

ANDRIAMANITRA MANONDRO

NY TENANY AMIN'NY

ALÀLAN'IREEO TOETRANY

 Somary taitra kely fotsiny aho mahita ny sakaizako, Joseph Boze, eo, ary nitodika aho ka naka fotoana kely mba handray ny tànany.

² Ndao isika hamadika ao amin'ny Tenin'Andriamanitra ankehitriny, ao amin'ny Hebreo, ny toko faha-1. Tiako ny hamaky, ho an'ny ampahany iray, ny andininy faha-1, faha-2, ary faha-3, mba hisintonana lahateny iray ho an'ny hariva.

Andriamanitra, izay niteny tamin'ny fotoana samy hafa sy fanao samy hafa tamin'ny fotoana fahiny tamin'ireo razana tamin'ny alàlan'ireo mpaminany,

Dia niteny tamintsika amin'izao andro farany izao amin'ny alàlan'ny Zanany, izay efa voatendriny ho mpandova ny zavatra rehetra, tamin'ny alàlany ihany koa no nanaovana an'izao tontolo izao;

Izay efa tao amin'ny famirapiroatan'ny voninahiny, sy ny fanehoana ny endriky ny tenany, ary mihazona ny zavatra rehetra amin'ny tenin'ny heriny, rehefa izy no...nipetraka teo an-tànana ankavanana'ny Lehibe any amin'ny avo;

³ Ndao isika hanondrika ny lohantsika ankehitriny ho an'ny vavaka. Ary ankehitriny ao amin'Ny Fanatrehany Masina, raha manana fangatahana ianareo izay tianareo hampahafantarina Azy, dia hanangana ny tànanareo fotsiny ve ianareo, ary izany no fangatahanareo, ka Andriamanitra no...

⁴ Rainay any An-danitra, manatona eo anoloan'ny Seza fiandriananao izahay ankehitriny, amin'ny alàlan'ny finoana amin'ny Anaran'i Jesosy Kristy, Ny Zanakao. Ary efa nomena an'ity antoka ity izahay, hoe, "Raha mangataka zavatra amin'Ny Anarany izahay, dia ho ekena izany." Fa Ianao no mahafantatra an'ireo faniranay sy ireo ilainay, ary Ianao no nampantanena fa hanolotra an'izay rehetra ilainay Ianao. Noho izany, Ray, dia hivavaka izahay araka ny Nampianaranao anay hoe, "Ho tonga anie Ny Fanjakanao. Hatao anie ny Sitraponao ety antany, tahaka ny any An-danitra." Ka ny fangatahanay, izao hariva izao, mba ho araka ny Faniranao no hanomezana azy, ary ekeo ho anay ireo tombontsoa ireo. Hosory ny Teny, Tompo, sy ireo mpiteny ary ireo mpihaino, ka enga anie ho tonga ny

Fanahy Masina ary mba ho mpanao ny Teny, izao hariva izao, eo anivonay. Fa mangataka an'izany amin'Ny Anarany izahay. Amena.

Afaka mipetraka ianareo.

⁵ Rahampitso maraina, raha azoko, dia ny sakafotrainan'ny Full Gospel Business Men. Mazàna, eo amin'izay anaovan'izy ireo favoriana iray, dia manana an'ilay tombontsoa hiresaka ao amin'ny sakafotrainan'izy ireo aho. Hatramin'ity fotoana ity, dia izany no rafi-pandaminana, izay tsy rafi-pandaminana iray, fa, ny vondrona tokana izay izaho—ikambanako, dia ny Christian Business Men. Ary miresaka ho azy ireo fotsiny aho ankehitriny, iraisam-pirenena.

⁶ Ankehitriny, izao hariva izao, dia matoky isika fa tsy ho foana ity fiangonana ity. Tonga eto aminareo aho, reraka, farina tanteraka ny tenda, ary nahazo aretin'avokavoka kely avy amin'ny...

⁷ Avy any Tucson aho izay tena tsara sy maina ilay izy, fa tonga eto aho dia tena tsara sy mando ilay izy, noho izany dia tena misy tsi-fitoviana iray mihitsy. Raha manana ny rano manontolo ianareo rehetra eto, raha handefa an'izany fotsiny mankany aminay, dia hankasitrahanay izany. Saingy tsy afaka manao an'izany ianareo, mazava ho azy.

⁸ Fa miteny zavatra iray aminareo aho, misy fanoharana iray eo. Ny anay rehetra—ny anay—ny zavatray rehetra any Arizona, ireo hazonay, dia feno tsilo. Manana tsilo iray ny zavatra rehetra. Izany dia satria maina ilay izy. Ankehitriny raha io kirihitra iray io ihany no maniry eto, dia hisy ravina tsara maha-te-ho tia izy. Hitanareo, tsy misy rano ilay izy, izay no antony mahalasa azy ho tsilo iray.

⁹ Ary rehefa lasa tsy misy an'ilay Ranon'Aina ny fiangonana, dia lasa maina izy sy manindrona, ihany koa, manindrona ary mandoaka eo amin'ny rehetra. Fa eo amin'izay misy an'ireo ranon'Aina mikoriana, dia izany no manokatra an'ilay ravina ka manao azy malemy, milenodenoka sy mamys, masina sy ekena eo amin'Andriamanitra. Noho izany dia enga anie ny Tompo Andriamanitra hanondraka antsika, izao hariva izao, mba tsy hahatonga antsika ho tsilo; fa ho ravina tsara isika mba ahafahan'ireo olona mpiremireny mipetraka eo ambanin'ny hazon'ny alokantsika ka hahita fitsaharana ho an'ny fanahin'izy ireo.

¹⁰ Ankehitriny dia tiako ny haka lahateny iray, izao hariva izao, raha sitraky ny Tompo, ary hisintona an'ity fanamafisam-peo kely ity akaiky mihitsy arak'izay vitako aho, nohon'ny tsy fahampian'ny feo. Tiako ny, avy amin'ny famakiana ny Hebreo 1:1 eto, dia tiako ny haka lahateny iray hoe: *Andriamanitra Manondro Ny Tenany Amin'Ny Alalan'Ireo Toetranly*. Mamelà ahy hamerina an'izany indray, satria fantattro fa ratsy ireto

fanaparitaham-peo eto ireto. Andriamanitra dia manondro ny Tenany amin'ny alàlan'ireo Toetrary.

¹¹ Ankehitriny, saiky voatondro amin'ny alàlan'ireo toetrary ny zavatra rehetra. Ary manana Soratra vitsivitsy aho eto izay tiako...sy naoty, izay tiako hitodihana. Ankehitriny, ny toetran'ny zavatra iray dia manondro izay maha-izy azy.

¹² Ankehitriny, tahaka ny ao amin'ny zava-boahary rehetra, ireo voninkazo dia voatondro, matetika, amin'ny alàlan'ny toetrary. Raha mifanakaiky miaraka izy ireo, ny karazany iray amin'ny iray hafa, dia ny toetran'io voninkazo io no hanondro hoe voninkazo inona izy. Ary ao amin'ny tontolon-java-boahary, matetika...

¹³ Izaho, mpihaza iray aho. Ary tokony ho fantatrareo ny toetran'ilay biby izay hazainareo, raha tsy izany dia mety ho voafitaka tokoa ianareo. Ohatra, tahaka ny Stone Sheep any British Columbia any. Teo ambanin'ny Yukon mihitsy aho tamin'io fararano lasa io, rahalahy vitsy eto ankehitriny no niaraka tamiko, ary nihaza izahay.

¹⁴ Ankehitriny raha tsy mahafantatra an'ilay fahasamihafana ianareo, rehefa manara-dia ondry iray na dieralahy iray, dia tsy afaka hiteny an'ilay fahasamihafana ianareo raha tsy mpihaza fetsy iray. Satria, manao karazana dian-tongotra mitovy izy ireo; mitsambikina izy ireo rehefa mihazakazaka. Ary avy eo dia mahita anankiray mitsangana lavidavitra ianareo, miaraka amin'ny lohany miafina, nahoana, ianareo-zara ianareo raha hahafantatra an'ilay fahasamihafana. Saiky mitovy ny halehiben'izy ireo eo anivon'ny ampahany aoriana; fotsy ilay izy, tahaka ny dieralahy mihitsy. Tena sarotra mihitsy ny hiteny azy ireo. Saingy ireo tandrony no manondro ny toetrary, amin'ny alàlan'ny tandrok'izy ireo. Ilay ondry dia manana tandroka iray izay mihodina, ary ny dieralahy iray dia manana an'ireo tendrony izay mivoaka. Ary zavatra iray hafa, ny dieralahy iray dia tsy mandeha loatra any amin'io haavo io, mba hihinana.

¹⁵ Ary avy eo ny osilahy, mandeha, ihany koa, misy toetra iray ao amin'ny osilahy iray, sy ny ondry iray, ka tokony ho fantatrareo ny fahasamihafana ao amin'izy ireo, rehefa any ambony any ianareo, satria izy roa dia samy monina any an-tendrombohitra avo. Tsy maintsy fantatrareo ilay fahasamihafana. Fa raha mahamarika ianareo, ny-ny osilahy iray dia manainganainga ny tenany rehefa mandeha; fa, ny ondry iray dia mametraka ny tongony tahaka an'izao, rehefa mandeha izy. Ilay toetran'ny fomba fametrahany ny dian-tongony. Manondro ny hazanareo amin'ny alàlan'ireo toetran'izay ataony ianareo, sy ahoana no hihetsehany, ary inona no haniny, sy ny sisa. Manondro ny tenany amin'ny alàlan'ireo toetrary izy. Ary avy eo dia miampita amin'ny anankiray ianareo, ka diniho

izay mitranga, afaka miteny an'ilay fomba andehanany ianareo. Afaka miteny amin'ny alàlan'io toetran'ny biby samihafa io ianareo.

¹⁶ Avy eo dia efa mba nahamarika ve ianareo, tsy fantatso raha manana azy ireo ianareo eto na tsia, tsipoy mavo; eny, traotrao no tena anaran'izy ireo marina, sy ny voromanga. Ny voromanga iray dia saiky mitovy hahabe amin'ny tsipoy mavo iray. Ary raha mahita azy roa manidina ianareo, dia saiky karazam-borona iray ihany izy roa ireo. Raha tsy afaka mahita an'ilay loko ianareo, fa diniho fotsiny izy ireo, dia afaka miteny ianareo hoe iza no tsipoy mavo. Ilay voromanga dia manidina, eo ho eo, mahitsy. Fa ilay tsipoy mavo dia manakopakopaka ny elany; rehefa manakopakopaka ny elany izy, dia midina ary avy eo miakatra, midina ary avy eo miakatra. Hitanareo, manao ny tenany ao amin'ny fitsambikinana iray izy, tahaka an'izao, dia afaka miteny ianareo fa izany no toetran'ilay tsipoy mavo, ny fomba fanidinany.

¹⁷ Raha marihanareo ny—ny papelika rehefa mivoaka izy, ny fomba androsoany. Ary avy eo dia diniho raha ao amin'ny honahona iray ianareo, izay mety hisy papelika, sy ny—sy ny vintsy iray. Mahafantatra an'izany ianareo mphihaza. Ny vintsin'i Wilson sy ny vintsy madinika, manondro ny tenany amin'ny alàlan'ny fomba ivoahany sy ny fomba andehanany izy ireo. Manondro amin'ny alàlan'ny toetra fanidinany izy ireo, ny amin'ny hoe karazana vorona inona izy ireo. Noho izany, raha mandre azy ireo fotsiny ianareo, dia afaka miteny hoe inona izany, ny fomba nivoahany, inona izy, amin'ny alàlan'ny toetran'ny fanidinany.

¹⁸ Tahaka ny lehilahy iray sy ny vehivavy iray. Samy olombelona izy roa, saingy ny vehivavy iray dia manana toetra hafa iray amin'ny an'ny lehilahy. Namaky aho teto, vao tsy ela akory izay, mikasika an'i Solomona sy ilay mpanjakavavy. Tsy mbola teto mihitsy aho ka nitoky ny Hafatra keliko teto, taminareo, ny amin'ilay mpanjakavavy avy any Atsimo, tonga mba hahita an'i Solomona, ka nahita an'io fanomezampahasoavan'ny famantarana io. Namaky mikasika an'izany aho, teto vao tsy ela akory izay, ary nilaza izy ireo, hoe, "Ny iray tamin'ireo ankamantatra izay napetraka teo anoloan'i Solomona, dia, naka vehivavy iray ity mpanjakavavy ity, na ireo vehivavy, raha ny marina, ka nampiakanjo azy ireo tahaka ny lehilahy."

¹⁹ Ankehitriny, izany dia hafahafa tamin'izany andro izany, saingy lamaody tokoa izany, amin'izao andro izao. Ary—ary fantatrareo fa ratsy izany. Ny Baiboly no nilaza fa tsy tokony hanao an'izany ny vehivavy iray. "Fahavetavetana ho an'ny vehivavy iray ny manao fitafian-dehilahy." Ary ilay Andriamanitra tsy miova no niteny an'izany, koa marina izany.

²⁰ Noho izany dia hitantsika fa i Solomona, vantany vao nandinika azy ireo, dia nanao azy ireo hamindra na hanao zavatra iray izy, ka nilaza teo no ho eo hoe, "Vehivavy io." Hitanareo, afaka niteny tamin'ny alàlan'ny toetran'io vehivavy io izy, ny fomba nitondrany ny tenany, hoe vehivavy izy fa tsy lehilahy.

²¹ Ary avy eo dia saiky tahaka an'izany ny zavatra rehetra, amin'ireo toetrary. Tahaka ny olona maro izay kavia mihitsy, sy kavanana. Izy ireo dia toetran'ny fomba izay itondrany ny tenany. Afaka miteny ianareo na olona kavanana izy na kavia, amin'ny alàlan'ny fomba hitondrany ny tenany, ny fomba izay hanakarany isan'andro amin'io tànana ankavia na tànana ankavanana io.

Ary tsarovy, Jesosy dia nanana zavatra tahaka an'izany, izay...

²² Ireo tànana roa dia saiky fotsiny... Mitovy izy ireo. Manana ny karazana dian'ankihibe mitovy izy ireo, dian-drantsan-tànana, rantsan-tànana dimy; ankihikely, fanondro, sy ny sisa. Tahaka an'ilay tànana havanana sy ny tànana havia mihitsy izay manana an'ilay karazana rantsan-tànana mitovy, ara-dalàna, tànana mitovy hahabe, marina tokoa. Fa ny fahasamihafana tokana misy dia, ao amin'izy ireo, dia ny iray havia ary ilay hafa havanana. Izay ihany no fahasamihafana azonareo tenenina. Ny iray havia, ny iray hafa havanana.

²³ Noho izany ao amin'io, Jesosy dia nilaza... Afaka manisika toerana kely iray aho eto. Jesosy no nilaza, ao amin'ny Matio 24, hoe, "Ireo toetran'ny Fanahy dia saiky hitovitovy amin'ny andro farany, tena hifanakaiky ka hamitaka an'ilay tena voafidy izany raha azo natao." Hitanareo, izy ireo fotsiny dia ho tena...

²⁴ Alaivo ny tànanareo dia atsangano fotsiny izy. Hitanareo, raha tsy mahamarika ianareo, ny iray amin'izy ireo dia mitovy amin'ilay iray hafa, amin'ny fomba rehetra, saingy ny iray amin'izy ireo dia havia ary ilay iray hafa dia havanana.

²⁵ Tahaka an'izany ireo fanahy amin'ny andro farany. Mitovitovy izy ireo, saingy manana toetra iray izay manondro azy ireo. Ny iray dia marina, ary ilay iray hafa dia diso, sady afaka ny ho voatondro amin'ny alàlan'ny toetrary izany.

²⁶ Ny Fanahin'Andriamanitra dia afaka ny ho voatondro amin'ny alàlan'ny Toetrary. Hitanareo? Ny Fanahin'Andriamanitra, sy ny fanahin'ny fiangonana. Misy ny fanahin'ny fiangonana iray, sy ny Fanahin'Andriamanitra izay tsy mitovy tanteraka amin'ny fanahin'ny fiangonana, mihitsy.

Misy ny fanahin'ny ara-anaram-piangonana iray.

²⁷ Misy ny fanahim-pirenena iray. Misy ny fanahin'ny firenena iray. Ny firenena rehetra, rehefa miditra aho, mandeha any ianareo, dia mahita fanahy samihafa. Nandeha tany Finland

aho, vahoaka mahafinaritra, saingy nisy ny fanahy Finlandais iray. Mandeha mankany Alemania aho, dia misy ny fanahy Alemandy iray.

²⁸ Teto vao tsy ela akory izay, nandeha niaraka tamin'ny vadiko aho, raha mbola nipetraka tany Indiana izahay, taona vitsy lasa izay, nankao amin'ilay tranom-pivarotana kely. Vao avy tonga tao an-trano aho. Tsy maintsy nividy sakafo vitsivitsy izahay. Ary teo amin'ny lèlako nankany, izahay... Fotoampahavaratra tamin'izany, mety tsy mino an'izany ianareo, saingy nahita vehivavy anankiray nanao akanjo lava izahay. Ary tena hafahafa mihitsy ilay izy, izaho... Nanaitra ahy izany. Izaho-hoy aho hoe, "Jereo iry, toa hafahafa io, manao akanjo lava io vehivavy io." Ny sisa tamin'izy ireo dia nanao fitafiana izay tsy... tsy mety amin'ny vehivavy. Dia—dia hoy izy... Hoy aho hoe, "Eny, ilay fanahy Amerikana fotsiny izany, hitanao, ilay fanahin'i Amerika."

²⁹ Ankehitriny, fanahin'i Amerika, izy dia ny...natao ho firenena Kristiana iray, saingy ilay fanahin'ity firenena ity dia tsy Kristiana. Mety antsoina hoe firenena Kristiana iray izy, saingy any amin'ny an-tapitrisany maily miala amin'izany, ao amin'ny toetra. Noho izany, ity vehivavy ity, nilaza aho...

Hoy izy hoe, "Eny, tsy Amerikana angaha isika?"

³⁰ Nilaza, hoy aho hoe, "Tsia. Mipetraka eto isika. Ity no firenentsika. Isika—isika—mitoetra ao anatiny isika. Tiantsika izy. Izy no firenena tsara indrindra eto amin'izao tontolo izao. Saingy, kanefa, tsy Amerikana isika." Hoy aho hoe, "Nateraka avy any Ambony isika. Nidina ny Fanahy Masina, ary an'ny Fanjakana iray isika. Tsy avy amin'ity izao tontolo izao ity Izany." Hoy aho hoe, "Izany no antony hanaovan'ireo anabavintsika akanjo lava, manao volo lava, tsy manao lokontarehy. Hitanao, ireo toetrary no manondro azy ireo ho 'masina ho an'ny Tompo,' avy any Ambony."

³¹ Noho izany, mitady Fanjakana iray isika. Mitady Mpanjaka iray ho avy isika ka handray an'ireo Vahoakany ho ao amin'Ny Fanjakany. Ary izy ireo dia voatondro amin'ny alàlan'ireo—ireo toetrary, hoe tsy avy amin'ity tany ity na ity firenena ity ny harenan'izy ireo. Avy any ambony izany, ao amin'ny Voninahitra. Noho izany, izy ireo, "Mitady Tanàna iray izy ireo Izay Andriamanitra no Mpanorina sy Mpanao." Voatondro mazava izy ireo.

³² Maniry aho ny banana feo ampy hitoriana aminareo indray hariva. Saingy izaho—hiala amin'izany aho. Ankehitriny, voatondro amin'ny alàlan'ireo toetrary.

³³ Mahita ohatra tsara iray isika eto tao amin'ny andron'ny Isirael, nankao amin'ilay tany nampanantenaina. Ary Andriamanitra no niantso azy ireo araka ny Fampanantenany. Niteny tamin'i Abrahama Izy fa, izy no ho... Ny taranany dia

ho ao amin’ity firenena hafa ity, mandritry ny efajato taona, ary avy eo dia Izy no hanafaka azy amin’ny tànana mahery lehibe, ary handeha ho ao amin’ny tany iray izy ireo, avy eo, izay nampanantenaina, izay tondra-dronono sy tantely. Ary avy eo rehefa nanakaiky ilay fotoan’ny teny fikasana, dia tonga ny—ny Farao iray izay tsy nahafantatra ny asam-panompoana lehibe an’i Josefa izay nananany teo anivon’izy ireo.

³⁴ Ary, ity, nanangana mpaminany iray Andriamanitra nantsoina hoe Mosesy. Ary nampianarina tao amin’ny fahendren’ny Egyptiana rehetra ilay lehilahy. Tsy isalasalana fa lehilahy nalaza iray izy, manan-tsaina, mahay, satria afaka nampianatra an’ireo fahendrena Egyptiana izy. Toy ny hoe lehilahy mendrika iray tanteraka—mendrika ho an’ny fanafahana.

³⁵ Saingy, hitanareo, izay antsointsika hoe fanafahana, sy izay antsoin’Andriamanitra hoe fanafahana, dia fahasamihafana iray.

³⁶ Diniho ankehitriny ity lehilahy ity miaraka amin’ireo etikany rehetra. Fantany fa teraka mba hanafaka ny zanak’Isiraelly izy. Kanefa, niaraka tamin’ny fianarany rehetra, izay ihany no fantany, ary fantany fa izy no nantsoin’Andriamanitra hanao an’ilay asa, izy dia nanana ny rehetra an’ny... Nanana ny Bakalorean’ny Literatiorany izy, sy ny Ph.D.-ny, sy ny LL. D., sy ny sisa. Ary nandeha izy hanafaka ny Isiraely, fa tsy fahombiazana manontolo izany.

³⁷ Mariho ankehitriny, toy ny hoe, nanana ny tongony teo ambonin’ny seza fiandrianana izy tao Egypta, ho lasa Farao, mba hahafahany hanafaka ny zanak’Isiraely aorian’ny hahalasa azy ho Farao, satria izy no manaraka eo amin’ny laharana ho an’ilay—ho an’ilay seza fiandrianana. Saingy, hitanareo, izany, ny fanaovana an’ilay izy tahaka an’izany, dia tsy ho nanondro ny toetran’Andriamanitra amin’ny fanafahana ny Olony.

³⁸ Izy no nilaza fa Izy no hanafaka azy ireo. *Izy* no “hanafaka azy ireo amin’ny tànana mahery,” tsy Mosesy amin’ny tafika mahery, fa Andriamanitra amin’ny tànana mahery.

³⁹ Hitantsika fa nandositra ity mpaminany ity ary tany anefitra nandrity ny efapolo taona. Nila efapolo taona i Farao mba hanatsofoka fianarana tao anatin’ny, ka nila efapolo taona Andriamanitra nanatsoaka an’izany tao anatin’ny. Noho izany dia hitantsika, indray andro, fa izy, tany ambadik’ilay tany efitra, dia nihaona tamin’ny Tompo Andriamanitra tao anatin’ny roimemy nirehitra iray, tao amin’ny endrika Andry Afo iray tao anatin’ny roimemy. Ary nangatahana izy hanaisotra ny kirarony, fa, masina ilay tany izay njoroany. Ankehitriny dia jereo ity lehilahy tsara, voakolokolo, nampianarina ity, izay nahe-izy azy, diniho ilay fiovan’ireo toetrany rehefa avy nihaona tamin’Andriamanitra izy. Nataony ny be indrindra...

⁴⁰ Matetika Andriamanitra dia manao an'ireo zavatra amin'ny fomba tena tsotra, sy fomba tena adaladala iray, ho an'ilay fomba fisainana ara-nofo. Mariho ny lehilahy iray izay efa tena tsy fahombiazana manontolo iray; niaraka tamin'ireo tafika Egyptiana rehetra sy ny sisa nanodidina azy mba hanao ny sitrapon'Andriamanitra, niaraka tamin'ny fianarany rehetra, teo amin'ny faha-efapolo taona, tao amin'ny azy voalohany. Indro izy, valopolo taona, ny ampitso maraina, miaraka amin'ny vadiny mipetraka eo ambonin'ny laselin-dramole iray, miaraka amin'ny ankizy iray eo am-balahany, ary tehina iray eny antanany, mandeha mankany Egypta, mba handresy. Miresaka ny amin'ny fampisehoana mahatsikaiky iray ianareo! Saingy izany no mampiseho an'ireo toetran'Andriamanitra, satria nanana lehilahy iray izay hino Ny Teniny Izy. Izay ihany. Ny zavatra tamin'ilay izy dia, azonareo eritreretina ve ny fanafihan'ny lehilahy anankiray mandeha mankany Egypta, ka, tafika iray no tsy nahomby? Saingy inona izany? Ireo toetrany, ireo tetik'adiny dia niova. Nandeha tamin'ny Anaran'ny Tompo izy hoe, "IZAHO IZAY IZY." Ny zavatra tamin'ilay izy dia, nandresy izy. Nandresy izy, satria nandeha tamin'ny Herin'ny Tompo.

⁴¹ Teny amin'ny lèlany, nitarika ny Isiraely ho any amin'ilay tany nampanantenaina, dia nifandray tamin'ny rahalahiny izy, ny rahalahiny ara-anaram-piagonana, Moaba. Ankehitriny, Moaba, na manao ahoana na manao ahoana, dia mpanompo sampy. Zanaky ny zanakavavin'i Lota izany. Ny iray tamin'ireo zanany no—no namokatra Moaba.

⁴² Ankehitriny, eo, dia tiako ianareo hanamarika an'ireto firenena roa ireto, ao amin'ny tsi-fitoviana. Indro Egypta, kely iray, nihahaka, tsy nanana firenena haleha, tsy nanana mpanatanteraka na tsy nanana mpanjaka, na inona na inona, na manan-kaja teo anivon'izy ireo, vahoaka iray fotsiny teny amin'ny lèlany ho any amin'ny tany nampanantenaina iray. Ary indro fa tsy maintsy nandalo teo amin'ny tanin'i Moaba izy ireo. Tao amin'ilay laharan'ny teny fikasana mihitsy izany.

⁴³ Ary Moaba, ihany koa, dia mpino an'i Jehovah, ary nanana mpaminany iray izy ireo. Ary Isiraely dia nanana mpaminany iray. Samy nanana mpaminany izy roa.

⁴⁴ Ary mariho ankehitriny, tonga teo amin'ny toerana iray izy ireo izay nahatongavan'ilay mpaminanin'ny firenena voarafitra hanozona an'io firenena hafa io, satria mpiriorio iray fotsiny izany, tsy manana toerana iray hijanonana. Noho izany dia tonga izy ireo.

Ary diniho ireo mpaminany roa ireo: Rehefa tonga eo amin'ny resaka ara-pototra ilay izy, dia samy marina tokoa izy roa. Satria, mariho, Balama, ilay eveka, dia niteny tamin'izy ireo hoe, "Ankehitriny dia manorena ianareo alitara fito ho ahy."

⁴⁵ Ny fito dia isan'ny fahafenoan'Andriamanitra, maneho an'ireo Taona Fiton'ny Fiagonana, ireo andro fiton'ny famoronana, sy ny sisa. Mariho ankehitriny, fito, Andriamanitra dia feno ao amin'ny fito.

⁴⁶ “Alitara fito, ary teo ambonin’ny alitara tsirairay dia mametraha o—ombilahy iray.” Ankehitriny izany dia ilay alitara iray ihany izay nananan’izy ireo tao amin’ny tobin’ny Isiraely. Tany Isiraely izy ireo, niaraka tamin’ilay alitara iray ihany izay nananan’izy ireo teto; ary ilay fanatitra iray ihany, ombilahy iray sy ombilahy iray; mpaminany iray sy mpaminany iray. Firenena roa, tao amin’ny tsi-fitoviana.

⁴⁷ Tena ohatra tanteraka iray an’ilay andro izay iainantsika, raha nanana fotoana idirana ao amin’izany isika. Mariho Andriamanitra izay manao an’io ao amin’ny fanoharana, izay mety ho hitantsika, mirazotra.

⁴⁸ Ankehitriny, ihany koa, nitaky ondrilahy iray eo ambonin’ny alitara tsirairay i Balama. Izany dia miresaka ny amin’ny finoany ny Mesia iray ho avy. Ondrilahy iray, lahin’ondry iray, izany ilay fanatitra iray ihany izay nananan’izy ireo tany Isiraely; tao amin’ny tobin’ny Isiraely, teto tamin’ny—tao Moaba. Ilay... Ara-pototra, dia marina izy roa, saingy, mariho, ara-pototra tao amin’ny foto-pampianarana.

⁴⁹ Fa mpaminany iray tao amin’ny tobin’ny Isiraely no nanana an’ireo toetran’Andriamanitra sy ny Tenin’Andriamanitra. Nijanona niaraka tamin’ny teny fikasan’Andriamanitra ho an’izany taona izany izy, satria tao amin’ilay laharana handehanana mankany amin’ilay tany nampanantenaina izy. Hitanareo?

⁵⁰ Ankehitriny, raha ny ampahany ara-pototra, Balama, Balaka dia afaka ny ho voatondro tahaka an’i Mosesy mihitsy.

⁵¹ Saingy, hitanareo, Mosesy, satria mpaminanin’Andriamanitra marina, dia tsy nanana fotsiny ihany an’ireo ampahany ara-pototra, fa nanana ny fanondroan’Andriamanitra. Hitanareo, tao amin’ilay laharan’andraikitra izy, arak’izay nampanantenaina marina tokoa ho an’io taona io; tsy ho an’ny taonan’i Noa, fa ho an’ilay taona tamin’io fotoana io. “Hitondra anareo any amin’ny tany iray izay tondra-dronono sy tantely Aho.” Teo amin’ny lâlany izy ireo, ary Isiraely dia voatondro niaraka tamin’ny mpaminaniny, Mosesy, niaraka tamin’ny Hafatr’io taona io. Voatondro tao amin’i Mosesy ireo toetran’Andriamanitra. Nanaraka azy ny Andry Afo iray. Nanana an’ilay fanaovam-panavotana tao amin’ny asa ihany koa izy; tsy niresaka ny amin’izany, fa nanana azy tao amin’ny asa. Tsy hoe hisy, izay misy izao ankehitriny izao!

⁵² Mariho, nanana menarana varahina iray izy izay natsangana ho an’ny faharariana sy ireo aretin’ny olona, noho izany dia

nampiasa ny fanasitrana ny amin'Andriamanitra i Mosesy. Nanana ny fanaovam-panavotana izy, ilay menarana varahina izay nanamarika fa Andriamanitra no tao amin'ny toby, ka njery an'io menarana varahina io ny olona dia sitrana.

⁵³ Nanana Vatolampy iray nokapohina koa izy izay nanaraka azy. Ary izany no nanondro an'Andriamanitra, mba hitehirizana an'ireo Ranon'Aina teo anivon'izy ireo, fifaliana sy famonjena, mba tsy hahalevona azy ireo fa hananany Fiainana mandrakizay. Izany no tandindon'ny... Io Vatolampy nokapohina tany anefitra io dia tandindon'i Kristy izay nokapohina.

⁵⁴ Avy eo, dia nandeha tao amin'ilay laharan'ny teny fikasana izy ireo. Fanondroana hafa iray izany, mba hanehoana ny toetran'Andriamanitra. Tsy mampaninona na ara-pototra toy ny ahoana araka ny Teny aza io anankiray hafa io; izy no nanana ny fanaovana ara-pototra, miampy ny fanondroana, ary ny toetran'Andriamanitra teo anivon'izy ireo. Nanondro ny Tenany Andriamanitra. Mpaminany roa, izy roa samy mpaminany, ary izy roa samy ara-pototra; saingy nanondro ny Toetrany tao amin'i Mosesy Andriamanitra, satria izy no nanana an'ireo toetran'Andriamanitra niaraka taminy.

⁵⁵ Ankehitriny, indray koa, ireo toetran'Andriamanitra dia ivelan'ny voajanahary foana, satria ivelan'ny voajanahary Izy. Ivelan'ny voajanahary Andriamanitra. Tsy mahazatra izany, isan'andro, ho an'ny firehana moderin'ilay fisainan'ny andro. Fantatrareo izany. Andriamanitra dia manakorontana foana an'ilay planina, ho an'ireo—ho an'ireo vondrona ara-pivavahana tao amin'ny taona rehetra izay hany nandalo.

⁵⁶ Ary tsy nisy na dia indray mandeha aza hany nisy olona iray na vondron'olona iray izay mba nandrafitra ny tenany niaraka teo amin'ny hafatra iray ka tsy maty sy lasa teo ambonin'ny talantalana ary tsy nitsangana intsony indray. Tsy misy tantara. Ireo Loterana, ireo Presbyterana, ireo Metodista, ireo Batista, ireo Pentekotista, sy ny sisa, dia tsy nitsangana intsony indray, rehefa mandeha mampivondrona an'Izany.

Mifanaraka amin'ny isam-batan'olona Andriamanitra.

⁵⁷ Mariho, tena tsy mahazatra loatra Izy ho an'ny fomba fisainana. Hitanareo, mitsofoka ao anatin'ny firehana iray isika, ka voatery hino an'Izany amin'ity fomba ity. Ary avy eo dia tonga Andriamanitra miaraka amin'Ny Teniny izay efa Nampanantenainy, ary manondro ny Tenany ao amin'io Teny io. Tsy afaka maharaka an'Izany ity vondrona ity, satria tsy mino an'Izany izy. Hitanareo, manendaka ny tenany miala amin'Izany izy.

⁵⁸ Tahaka an'i Josefa, zanak'i Davida izy, ary lehilahy tsara iray, Josefa ilay vadim'i Maria. Lehilahy tsara iray izy, ary tsy isalasalana fa namaky ny Baiboly, ilay horonana, tsy ankitsahatra, satria... ary niandry ny Mesia ho avy, ka tokony

ho nahafantatra izay nolazain'ny Soratra fa hiseho. Hoy Isaia hoe, "Hanan-anaka ny virijiny."

⁵⁹ Eny, ankehitriny, nandeha niaraka tamin'ity tovovavy ity izy, Maria, angamba valo ambin'ny folo taona, ary somary antitra kely angamba izy. Ary avy eo rehefa nifamofo izy ireo mba hivady, dia nasehony fa ho reny izy. Ankehitriny somary sarotra tamin'i Josefa ny hanapa-kevitra kely teo amin'izany. Tsy isalasalana fa niteny taminy an'ilay famangian'i Gabriela i Maria. Saingy mahamarika isika, ilay fomba izay nitarihan'ny toetrary azy, fa nisalasala an'izany izy.

⁶⁰ Ankehitriny dia hita fa ho reny izy talohan'ny nivadian'izy ireo. Ary, ao amin'ny Baiboly, ilay sazy dia fahafatesana, amin'ny alàlan'ny fitoraham-bato. Ny vehivavy iray tsy manambady nefala saza reny, dia tsy maintsy toraham-bato izy. Tsy nisy fivarotan-tena tao Isiraely. Efa foana izany. Noho izany dia mahita isika, ao amin'ny Deoteronomia, izy no miteny an'izany amintsika.

⁶¹ Ankehitriny hitantsika fa, Maria, toy ny hoe niezaka nampiassa an'i Josefa izy ho fiarovana iray fotsiny nohon'ny hetsika iray izay nataony. Satria, raha efa hita fa ho reny izy talohan'ny nivadian'izy ireo, amin'izay fotoana izay dia tsy maintsy toraham-bato izy, ka tsy maintsy manana olona iray ankehitriny izay afaka mijoro ho fiarovana iray ho azy. Ary izany dia toa, ny ankapobeny, toy ny hoe izany no nezahany nataao.

⁶² Saingy nijery teo amin'ireo masonry lehibe tsara tarehy i Josefa, ka hoy izy hoe, "Josefa, nilaza tamiko i Gabriela hoe, 'Ny Fanahy Masina no hanaloka anao, ary io Zavatra izay torotoroina ao anatinao—ao anatinao io dia avy amin'ny Fanahy Masina. Izany dia Andriamanitra. Izany dia hantsoina hoe, ny "Zanak'Andriamanitra."'" Ary, Josefa, izy—izy—te-hino an'izany izy, saingy tena tsy nahazatra ilay izy. Tsy mbola nitranga mihitsy izany tany aloha.

⁶³ Ary tahaka an'izany mihitsy amin'izao andro izao. Raha afaka fotsiny mantsy isika... Raha nanana fomba iray aho hanaovana ny olona hahita fa ilay tsi-fahazaran'ny zavatra iray, raha voatondro tamin'ny alàlan'ny Teny ilay izy, amin'izay fotoana izay dia ireo toetrary no manaporofa hoe inona ilay izy. Andriamanitra ao amin'ny asa izany.

⁶⁴ Tokony ho nahafantatra an'io i Josefa. Tokony ho nahafantatra izy hoe, "Hanan-anaka ny virijiny." Saingy nahitsy fo ny amin'izany izy. Tsy te-handroaka azy izy, mangingina, saingy izy—efa nieritreritra ny hanao an'izany izy.

⁶⁵ Ary tamin'izay fotoana izay dia niseho taminy tao amin'nynofy iray ny Anjelin'ny Tompo. Efa mba nanontany ve ianareeo hoe nahoana Izy no niseho taminy tao amin'nynofy iray? Tsy nisy mpaminany tamin'ireo andro ireo. Tena tsotra ny nofin'izy ireo, ka tsy nila fandikana izany. Hoy Izy, "Josefa, ianao ry zanak'i Davida, aza matahotra ny hampakatra an'i Maria ho vadinao, fa

izay nototororoina tao anatiny dia avy amin'ny Fanahy Masina." Hitanareo, tamin'izay fotoana izay, dia nilamina hatreо izany. Hitanareo, tonga teo aminy tao amin'nynofy iray Izy, tsotra. Fa, hitanareo, tsy nisy mpaminany teo mba hanondro an'io Teny io, hoe, "Ity ilay virijiny izay hanan-anaka." Hitanareo? Koa, noho izany, dia niseho taminy tao amin'nynofy iray Izy, satria lehilahy iray nahitsy fo sy marina ary tsara izy.

⁶⁶ Ary mino aho fa Andriamanitra dia ho tonga eo amin'ny lehilahy tsara rehetra, amin'ny fomba iray, ka hanondro an'ireo Fanaony amin'io lehilahy tsara io, ho an'ilay taona, raha nantsoin'Andriamanitra ho an'io taona io ilay lehilahy.

⁶⁷ Ankehitriny, saingy tena tsy nahazatra ilay izy, ka zara fotsiny izy ireo raha afaka nandray an'izany. Fa, isan'andro, ny fisehoana araka ny Teny nampanantenaina ho an'ilay taona, dia io tsi-fahazarana rehetra io.

Ankehitriny dia mety misy olona sasany mandeha eo, ka manao hoe, "Eny, tsy mahazatra *ity*, Andriamanitra izany. Tsy mahazatra *ity*."

⁶⁸ Saingy, hitanareo, tsy maintsy voatondro amin'ny alàlan'ny Teny izany, ary ny Teny dia Andriamanitra. Hitanareo? Ary ireo toetran'io fanondroana io avy eo no manondro hoe iza izy, satria hoy Andriamanitra hoe, "ity no hitranga," dia mitranga ilay izy. Hitanareo? Ny toetran'izany dia ny Tenin'Andriamanitra izay voatondro amin'ny alàlan'ilay toetran'izay miseho.

⁶⁹ Nilaza Izy fa amin'ny andro farany dia handrotsaka ny Fanahy Masina Izy. Nataony izany. Ireo toetran'izany no nanondro fa Andriamanitra izany, Ny Teniny nampanantenaina. Hitanareo, manondro ny tenany foana izany.

⁷⁰ Ankehitriny, isan'andro, isam-potoana, dia manitsy an'ilay teny, rehefa diso ny filazana ny Teny. Efa mba voamarikareo ve? Izany dia tamin'ny andron'i Noa, no nanitsy an'ilay taona siantifika, hoe hampidina rano avy any an-danitra Andriamanitra. Izany dia i Mosesy, hitanareo, no nanitsy rehefa nitoetra tao Egypta izy rehetra, sy ny sisa, saingy tsy maintsy tonga mba ho voatondro ny Tenin'Andriamanitra. Ary ny Fahamarinan'ny Teny no manitsy ny fahadisoana.

⁷¹ Mamelà ahy hanontany zavatra aminareo. Mety mandeha lalina kely isika eto. Tsy natao history fampianarana aho na foto-pampianarana, fa mamele ahy hanontany zavatra anankiray aminareo fotsiny.

⁷² Jesosy no Teny. Fantatsika izany. Ny Baiboly no nilaza fa izany ilay izy. Masindahy Jaona, ny toko faha-1, "Tamin'nyvoalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Mbola ny Teny foana Izy. Avy eo rehefa afaka nahafantatra an'ireo eritreritr'izy ireo Izy, dia tokony ho nahafantatra izy ireo fa izany no Teny, satria

ny Tenin'Andriamanitra no nilaza fa hanao Izy. Izy no ilay Mpaminany.

⁷³ Mariho ankehitriny, mahita isika fa rehefa teraka Izy, teo amin'ny roa ambin'ny folo taona teo, dia nandeha niakatra nankany amin'ny fetin'ny tabernakely Izy. Ary nandeha niakatra tany izy ireo ho an'ny Paska. Ary, teny amin'ny lalan'izy ireo niverina, dia nanao dia telo andro izy ireo nefo tsy niaraka Taminy; nahita, nihevitra, raha ny marina, nanombatombana fa teo anivon'ny olony Izy.

⁷⁴ Afaka misintona lesona iray avy amin'izany isika. Tena betsaka izany amin'izao andro izao! Ankehitriny ianareo Metodista, Batista, Presbyterana, Loterana, Katolika, na inona na inona ianareo, hitanareo, manao an'ilay zavatra iray ihany ianareo. Mahita ianareo hoe satria nanana fifohazana malaza iray i Wesley, nanana fifohazana malaza iray i Lotera, na nanana fifohazana malaza iray ny Pentekosta, mahita ianareo fa eo anivon'ny olona Izy, nefo, matetika dia tsy eo Izy.

⁷⁵ Nandeha izy ireo mba hahita Azy. Taiza no nahitan'izy ireo Azy? Teo amin'izay nandaozan'izy ireo Azy, tao Jerosalema. Ary rehefa hitan'izy ireo Izy, dia inona no Nataony? Zazalahy kely iray, roa ambin'ny folo taona, tsy niditra an-tsekoly mihitsy aza angamba tsy nisy ankoatr'izay nampianarin'ny Reniny Azy; nefo indro Izy tao an-tempoly, niady hevitra tamin'ireo mpisorona, mikasika ny Tenin'Andriamanitra. Ary talanjona tamin'ny fahendren'ity Ankizy ity izy ireo. Nahoana? Izy no Teny. Diniho ankehitriny.

⁷⁶ Ary ankehitriny tsy hoe tsy fanajana anareo vahoaka Katolika izay miantso an'i Maria ho renin'Andriamanitra, fa mamele ahy fotsiny haneho aminareo fahadisoana kely iray eto. Raha naorina teo ambonin'i Maria ny fiangonana, dia diniho izay nitranga. Ankehitriny tonga izy ka hoy izy hoe, "Oh, izaho sy ny Rainao dia nitady Anao fatratra, tamin-dranomaso." Diniho io filazana io, nanameloka ny fanambarany manokana izy tamin'io fotoana io. Hoy izy hoe, "Izaho sy ny Rainao dia nitady Anao fatratra, tamin-dranomaso."

⁷⁷ Diniho io Teny io. Izy no Teny. Hoy Izy hoe, "Tsy fantatrao ve fa tsy maintsy manao ny asan'Ny Raiko Aho?" Diniho ilay Teny manitsy ny fahadisoana. Teo anatrehan'ireo mpisorona ireo mihitsy, no nanimbany ny fanambarany. Nilaza izy fa nananjanaaka avy tamin'ny Fanahy Masina, nefo eto izy dia nilaza fa Josefa No "rainy." Hitanareo ve fa ilay Teny no nampijanona an'ilay izy teo no ho eo? Izy no Teny. Ankehitriny, fantatrareeo fa ny zazalahy iray roa ambin'ny folo taona dia tsy hahavita an'izany. Izy no Teny. Izy no Teny voambara ho an'io taona io, koa noho izany dia ilay toetran'Andriamanitra voatondro no tao amin'i Kristy. Nanitsy an'ireo fahadisoana Izy. Nilaza Izy . . .

Hoy izy ireo hoe, “Nahoana, mpianatr'i Mosesy izahay.” Hitanareo?

⁷⁸ Hoy Izy hoe, “Raha mpianatr'i Mosesy ianareo, dia ho nahafantatra Ahy. Izy no nanoratra ny Amiko. Hoy i Mosesy hoe, ‘Ny Tompo Andriamanitrareo dia hanangana Mpaminany iray tahaka ahy.’ Ho nahafantatra Ahy ianareo raha nahafantatra an'i Mosesy.”

⁷⁹ Ary, hitanareo, manitsy ny fahadisoan'ilay andro foana ny Teny. Saingy tsy te-hino an'izany ny olona. Manohy mifikitra fotsiny izy ireo, mitovy foana.

⁸⁰ Saingy nanitsy ny Reniny manokana Jesosy. Ary tao amin'ny fahadisoana ny Reniny, satria efa nilaza izy fa io dia zaza iray nototororoina tao aminy tamin'ny alalan'ny Fanahy Masina, nefo eto izy dia mamadika ny fanambarany ka nilaza fa Josefa no “rainy,” no rain’i—i Jesosy. Ankehitriny raha—raha Josefa . . .

⁸¹ Raha zanak'i Josefa Izy, raha efa nanao ny raharahan'ny Rainy Izy, dia tokony ho tao amin'ilay toeram-pandrafetana Izy.

⁸² Saingy nanao ny asan'Ny Rainy Izy, tao amin'ilay Tempoly, nananatra an'ireo rafi-pandaminana ireo. Hitanareo? Nanao ny asan'Ny Rainy Izy, Ankizy iray roa ambin'ny folo taona fotsiny. “Tsy fantatrazo ve fa tsy maintsy manao ny asan'Ny Raiko Aho?”

⁸³ Efa voamarikareo ve rehefa nalain'i Satana fanahy Jesosy? Ny Toetrany tany, rehefa tao amin'ny Fakam-panahiny Izy, no nanondro Azy ho Andriamanitra, satria nijanona niaraka tamin'ny Teny Izy. Hitanareo? “Voasoratra hoe,” hoy Satana.

Hoy Jesosy hoe, “Voasoratra hoe koa,” nijanona tsara tamin'ny Teny.

⁸⁴ “Andriamanitra, tamin'ny fotoana samihafa,” mamaky isika eto. “Andriamanitra, tamin'ny fotoana samihafa,” fotoana fahiny izany, “fanao samihafa,” fomba maro, “dia nanondro ny Tenany tamin'ireo Mpaminaniny tamin'ny alalan'ny fahitana.” Izany no toetran'ny mpaminany iray, dia rehefa miteny mialoha an'ireo zavatra izy ka mitranga izany. Ankehitriny izany no toetran'ny fanondroany, hoe miaraka aminy Andriamanitra. Amin'izay fotoana izay dia izany no manome azy an'ireo zò handika ny Teny ho an'io andro io, satria, “Ny Tenin'Andriamanitra dia tonga amin'ireo mpaminany,” ny toetran'ilay mpaminany izay Noteneniny mialoha.

⁸⁵ Hoy ny Baiboly hoe, “Raha misy anankiray, ka izay lazainy dia miseho, amin'izay fotoana izay dia henoinareo izy; fa, raha tsy izany, dia aza mino azy, aza matahotra azy, fa Ny . . . raha—raha tsy ao aminy Ny Teniko. Fa raha miseho izany, amin'izay fotoana izay dia ao aminy Ny Teniko.” Izany no fanondroany. Izany no toetran'ny mpaminany iray.

⁸⁶ Ankehitriny, Andriamanitra, tamin'ny fotoana samihafa, toy izany no Nanehoany an'ireo Toetran'ny fanondroany ny Tenany

amin'ny olona, amin'ny fitenenana amin'ny alàlan'ny olona anankiray izay nantsoina hoe mpaminany iray. Ankehitriny, ny Baiboly no milaza fa, "Andriamanitra, tamin'ny fotoana samihafa, fanao samihafa, dia niteny tamin'ireo razana tamin'ny alàlan'ireo mpaminany."

⁸⁷ Mamaky koa isika, any amin'ny Petera Faharoa, fa ny Tenin'Andriamanitra manontolo dia nosoratana tamin'ny alàlan'izy ireo. "Ny olona fahiny, nohetsehan'ny Fanahy Masina, no nanoratra ny Baiboly." Mpaminany izy ireo. Tonga tamin'izy ireo ny Teny ary izy ireo no nanoratra Azy, nanoratra an'izany, teo ambanin'ny tsindrimandry. Voalohany dia mpaminany voatondro izy ireo, avy eo izy ireo—nanoratra ny Teny avy tamin'ny tsindrimandry izy ireo, ary nanana ny fandikana ny fanambarana Masina satria izany no Andriamanitra tao amin'ilay lehilahy.

⁸⁸ Ankehitriny dia izay no fomba Nanehoany ny Tenany tao amin'ireo Toetran'ny fanondroany, ireo fahitan'izy ireo lasa voamarina, no toetran'Andriamanitra tao amin'izy ireny, mampahafantatra ny Tenany amin'ny olona.

⁸⁹ Ankehitriny, izany no fomba tokana naha-tao amin'i Kristy Azy. Pentina kely iray fotsiny ny mpaminany anankiray. Kristy no fahafenoan'Andriamanitra. Ary tao amin'i Kristy Andriamanitra, nampihavana an'izao tontolo izao tamin'ny Tenany. Ary ireo Toetrany no nanondro Azy, izay naha-izy Azy, noho izany dia hoy Izy hoe, "Raha tsy manao an'ireo asan'Ny Raiko Aho, amin'izay fotoana izay dia aza mino an'izany. Raha tsy manana ny toetran'Ny Raiko Aho, amin'izay fotoana izay dia aza mino Ahy, aza mino an'ireo Filazàko. Raha tsy manana ny toetran'Ny Raiko ato Amiko Aho, amin'izay fotoana izay dia aza mino an'izany, mihitsy."

⁹⁰ Ankehitriny, tsy miova mihitsy ireo Toetrany. Tsy afaka manova ny Toetrany Andriamanitra, tsy mihoatra noho—nohon'ny—ny zanak'ondry iray afaka hanova ny toetrany, na ny zavatra hafa rehetra afaka hanova an'ireo toetrany. Satria, raha mbola ao amin'ny tany am-boalohany foana ilay izy, dia tany am-boalohany izy. Ary raha manova zavatra iray ianareo, amin'izay fotoana izay dia nanova an'ilay izy avy tamin'ny tany am-boalohany.

⁹¹ Izany dia mitovy fotsiny amin'ny hoe ianareo dia afaka maka ki—kisoa iray, ary afaka manasa kisoa iray ianareo ka—ka mametraka an'io loko io eo amin'ireo kitrony, tahaka ny ataon'ireo vehivavy, ary mikarakara azy miaraka amin'ny lokomena, ka mametraka akanjo tsara iray eo aminy. Avotsory io kisoavavy ratsy io, fa handeha avy hatrany eo amin'ilay ranom-potaka izy, ary hihosom-potaka indray. Nahoana? Kisoa iray izy, izay ihany. Fa, ary, fa, fantatrareo, ianareo tsy hahavita . . .

⁹² Tsy hanao an'izany ny zanak'ondry iray. Tsy hiditra ao anatin'io fotaka io akory aza izy. Tsy te-hanao na inona na inona amin'izany izy. Izany ireo toetrary. Hitanareo? Mety mampiakanjo azy amin'ilay karazana fitafiana iray ihany ianareo, saingy azo antoka fa izy dia tsy, azo antoka fa tsy handeha izy. Tsy mampaninona ilay ety ivelany; ilay izy dia ny ao anatiny. Ankehitriny, Andriamanitra amin'ny maha-loharanon'ny fiainana rehetra . . .

⁹³ Aza diso amin'ny fahazoana an'ity. Miezaka aho, amin'izay rehetra ato amiko, ny hitondra anareo hahita zavatra iray. Hitanareo? Ho an'ny soa anareo izany, ry sakaiza. Izany dia ho an'ny fa—fanampiana anareo. Hitanareo?

⁹⁴ Tsy tonga eto aho mba ho hita fotsiny. Tsy tonga eto aho, hoe tsy misy toerana hafa haleha. Tonga eto aho satria nahatsapa ny ho tonga eto. Tsapako fa ilay asam-panompoana izay nomen'ny Tompo ahy dia tsy maintsy voaseho eo anivon'ny olona eto, ary miezaka aho ny hitondra anareo hahita hoe inona marina Andriamanitra ankehitriny. Izy no Teniny Nampanantenaina. Izy foana no Teny, ary Izy dia manondro ny Tenany amin'ny alàlan'ny toetra izay Nampanantenainy. Hitsangana ny olona anankiray ao amin'ny fotoana iray, ao amin'ny Teny izany, amin'izay fotoana izay dia ny toetran'io olona izay natao hitsangana io no manondro fa izany ilay olona.

⁹⁵ Izany no antony tsy maintsy nahatonga an'i Jesosy hoe Iza Izy. Tokony ho nahita an'izany izy ireo. Tsy mahagaga raha jamba izy ireo. Ilay zavatra . . . Nilaza, fa na dia nanao fahagagana maro be aza Izy, dia mbola tsy afaka nino azy foana izy ireo, satria hoy Isaia hoe, "Mana-maso izy ireo fa tsy afaka mahita, ary sofina fa tsy afaka mandre." Hitanareo? Ny taona tsirairay, tsy ny Taonany fotsiny ihany; fa ny taona rehetra, ahoana, "Andriamanitra, tamin'ny fotoana samihafa, fanao samihafa," mbola tsy afaka nahazo an'izany foana izy ireo.

⁹⁶ Ankehitriny, tsy diso mihtisy ireo Toetrary. Tsy miova foana izany. Ankehitriny, tsarovy, ny Toetrary, ny toetran'Andriamanitra, dia tsy mety diso. Raha diso izany, amin'izay fotoana izay dia diso Andriamanitra. Ary ny Baiboly no nilaza, ao amin'ny Hebreo 13:8, hoe, "Jesosy Kristy no tsy miova omaly, anio, ary mandrakizay." Noho izany, dia Izy no Andriamanitra tsy miovaova. Izay toetra hany nahai-zy Azy tany amin'ny voalohany, dia mbola io toetra iray io ihany Izy. Ny fomba rehetra Niasany, ny fotoana rehetra izay hany Nanaovany zavatra, dia izany ihany no fomba Anaovany azy amin'ny fotoana rehetra. Raha tsy manao Izy, dia niova izany ny Toetrary, hitanareo, ary hanao zavatra izay tsy avy tamin'Andriamanitra ireo Toetrary. Hitanareo? Noho izany dia tsy ho fantatsika hoe taiza . . .

⁹⁷ Tahaka ny nolazain'i Paoly hoe, "Raha manome feo hafahafa ny trompetra, dia iza no hahafantatra hiomana ho amin'ny ady, raha manome feo hafahafa ny trompetra?" Ankehitriny raha natao hitsoka ny trompetra hoe "mihemotra," dia izany no tokony hataontsika, mihemotra. Raha mitsoka ny trompetra hoe "manafika," dia izany no natao hataontsika, dia ny manafika. Fa inona ny trompetra? Izany dia ny Tenin'Andriamanitra. Izany no manondro an'Andriamanitra, na ilay izy—na ilay izy hoe "miakara, mipetraha, mihemora, mameatra-piadiana," na inona na inona ilay izy. Izany no feon'ny trompetran'Andriamanitra.

⁹⁸ Ary ny feo hafahafa iray, rehefa milaza ny Baiboly fa misy zavatra anankiray natao hitranga; hoy ny olona iray hoe, "Oh, efa tamin'ny andro hafa iray izany, io." Amin'izay fotoana izay dia misy feo hafahafa iray eo. Amin'izay fotoana izay dia tsy fantatrareo izay hatao.

⁹⁹ Hoy Jesosy hoe, "Manana fahefana hanolotra ny Aiko Aho ary hanangana azy indray." Tsy misy feo hafahafa eo.

¹⁰⁰ Hoy ilay vehivavy hoe, "Fantatray fa ho tonga ny Mesia; ary rehefa tonga Izy, dia Izy no hiteny aminay an'ireo zavatra tahaka an'izay Nolazainy."

¹⁰¹ Hoy Izy hoe, "Izaho no Izy." Tsy misy feo hafahafa eo. "Izaho no Izy." Ah-hah! Amena.

Hoy izy ireo hoe, "Ny Razanay nihinana mana tany anefitra."

¹⁰² Hoy Izy hoe, "Izy rehetra, ny tsirairay avy, dia maty." Hoy Izy hoe, "Fa Izaho no Mofon'Aina izay avy amin'Andriamanitra any An-danitra." Tsy nisy feo hafahafa. "Izaho no Hazon'Aina, avy tao amin'ny sahan'i Edena." Tsia, tsy nisy feo hafahafa mikasika an'izany. Tsia tokoa. Tsy misy na inona na inona hafahafa mikasika an'izany. Nanana antoka Izy tao amin'ny zavatra rehetra izay Nataony.

¹⁰³ Tsy manao feo hafahafa iray ny Baiboly. Izy dia manondro ny toetran'Andriamanitra ao amin'ny fanenony.

¹⁰⁴ Jesosy no nilaza, ao amin'ny Masindahy Jaona 10:37 hoe, "Raha tsy manao an'ireo asan'Ny Raiko Aho, izay...ka tsy manana an'ilay toetran'Ny Raiko Aho, amin'izay fotoana izay dia aza mino Ahy. Izy ireo no tokana, Izy ireo no manondro ny Toetrany ato Amiko, ireo Toetrany."

¹⁰⁵ Satria, ny Ray dia ny Teny, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra," ary ireo toetran'Andriamanitra dia voaseho amin'ny alàlan'ny Fampanantenany ho an'io taona io.

¹⁰⁶ Ankehitriny raha niaina tamin'ny andron'i Mosesy Izy, dia tsy ho nety izany. Ary raha niaina tamin'ny Androny i Mosesy, dia tsy ho nety izany. Raha niaina tamin'ny andron'i Noa Izy, dia tsy ho nety izany, na raha niaina tamin'ny Androny i Noa.

Noa dia naminany an'ireo zavatra ho an'izany andro izany, ary ireo toetrary sy izay nataony no nanondro azy niaraka tamin'ny Tenin'Andriamanitra. Nanao an'ilay zavatra iray ihany i Mosesy.

¹⁰⁷ Ary indro tonga Jesosy, ka ny Teny izay nampanantenaina ho an'io taona io dia voatondro tao amin'i Jesosy Kristy tamin'ny alalan'ireo toetran'ny Teny, izay Andriamanitra. Amena.

¹⁰⁸ Ilay firotsahan'ny Fanahy Masina, amin'ny andro farany, eo amin'ireo olona tsotra, no manondro ny toetran'Andriamanitra miaraka amin'ny olona. Izy no nampanantena an'izany. Izany no Teny. Izy no nilaza fa Hataony izany. Tsy misy olona afaka manaoana an'izany. Izy no nilaza fa Hataony izany.

¹⁰⁹ Noho izany ny zavatra rehetra izay Nampanantenainy, dia izany no Ataony. Izany no manondro ny Toetrany. Eny, tompoko. "Aza mino an'izany, aza mino ny Filazàko, raha tsy avy amin'Andriamanitra ny Toetrako."

¹¹⁰ Mariho ankehitriny ao amin'ny Jaona 14:12, "Izay mino Ahy," hoy Izy, "no manana ny Fanondroako, ny Toetrako. Izay mino Ahy, ireo asa izay Ataoko no hataony koa." Izany no manondro fa ao aminy ny toetran'i Kristy, maneho an'ireo Toetrany. Amena.

¹¹¹ Mahatsapa ho tena mpivavaka mihitsy aho ankehitriny, raha farim-peo aho. Eny, tompoko. Oh, oadray! Hitanareo, tsy misy fahadisoana mikasika an'Izany! Ny Fiainany! "Izay mino Ahy, ireo asa izay Ataoko no hataony koa." Hitanareo, izany no manondro an'ilay toetra.

¹¹² Ilay zavatra iray ihany izay Nolazainy hoe, "Raha tsy manondro ny Tenako ny Toetrako," Andriamanitra ao—ao Aminy, amin'izay fotoana izay Izy...aza mino Azy. Ankehitriny, nilaza koa Izy fa ho voatondro ao amin'izany Izy. Amin'izay fotoana izay, izany, raha tsy manondro Azy izany, amin'izay fotoana izay dia tsy izay Lazainy Izy.

¹¹³ Ary, amin'izao andro izao, raha tsy manondro ny Tenany Kristy, ny toetran'i Kristy no manondro antsika ho avy amin'i Kristy, mino ny Teny...Jesosy no Teny, noho izany dia tsy maintsy nino ny Teny Izy. Ary ahoana no ahafahantsika hilaza fa avy amin'i Kristy isika, nefà mandà Teny iray avy amin'ity Baiboly ity? Ny Fanahy Masin'i Kristy no Andriamanitra ao aminareo, ary Izany dia hanisy tsindrim-peo ny teny fikasana tsirairay amin'ny "Amena." Hoy ny Baiboly hoe, "Izao famantarana izao no hanaraka an'ireo izay mino." Hoy ny Fanahn'Andriamanitra hoe, "Amena." Hitanareo?

¹¹⁴ Ny iray amin'izy ireo tsy milaza hoe, "Tsia, ho an'ny taona hafa iray izany; ho an'ireo mpianatra fotsiny ihany izany."

¹¹⁵ "Mandehana ianareo mankany amin'izao tontolo rehetra izao ka mitoria ny Filazantsara amin'ny olombelona rehetra. Izy, na aiza na aiza eto amin'izao tontolo rehetra izao, izay

mino, dia izao famantarana izao no hanaraka azy, zavatra iray ihany.” “Tsy miova omaly, anio, ary mandrakizay,” ilay toetra efa voatondro.

¹¹⁶ Izany no manao ny Hebreo 1:1 hoe, “Andriamanitra tamin’ny fotoana samihafa, dia niteny tamin’ireo razana tamin’ny alàlan’ireo mpaminany,” manondro an’i Kristy, nitsangana androany, amin’ny alàlan’ilay toetra iray ihany izay Nataony tamin’ny fotoana samihafa. Efa voamarikareo ve? Tsy manova ny Fombany mihitsy Andriamanitra.

¹¹⁷ Ao amin’ny Baiboly fahiny, rehefa manonofynofy iray ny mpanonofy, ka tsy nisy mpaminany teo amin’ny firenena mba hahita na marina na tsia ionofy io, dia nanana fomba iray hafa hahitana izy ireo. Nalain’izy ireo io olona io, na iza na iza no nanonofynofy, nentina nankao an-tempoly izy. Ilay saron-tratran’i Arona, izay mpisoronabe, dia nahantona teo amin’ny andry. Ka miteny an’io nofy io ity mpanonofy ity. Tsy mampaninona na maneno tsara toy ny ahoana aza ilay izy, na tena misy toy ny ahoana aza ilay izy; raha tsy nisy Hazavana ivelan’ny voajanahary nipiapiaka teo amin’ireo vato ireo, izay nantsoina hoe Orima Tomima, (ireo mpamaky Baiboly dia mahazo); amin’izay fotoana izay, tsy ahoako na tena misy toy ny ahoana aza ilay izy, dia tsy izy izany. Ilay tsi-mahazatra an’Andriamanitra, ilay toetran’Andriamanitra, no tsy maintsy maneho an’ireo Toetrany ao amin’ilay ivelan’ny voajanahary, mba haneho fa nanondro ny Tenany teo amin’ilay hafatra Izzy. Amena.

¹¹⁸ Milaza an’ilay zavatra iray ihany aho izao hariva izao. Efa lasa ny Orima Tomima, saingy ny Teny no mbola ilay zavatra izay manondro ny toetran’Andriamanitra foana, ny teny fikasan’ilay ora izay iainantsika. Izany ireo toetran’Andriamanitra voatondro amin’ny alàlan’ny teny fikasan’ilay ora izay iainantsika.

¹¹⁹ Izany no manao an’Andriamanitra tsy miova tahaka an’izay na ha-izy Azy. “Tamin’ny fotoana samihafa,” jereo, “tamin’ny fanao samihafa, no Nitenenany tamin’ireo razana tamin’ny alàlan’ireo mpaminany.” “Ary ny lalàna sy ny mpaminany dia hatramin’i Jaona; hatramin’izany, dia ny Fanjakan’ny Lanitra.” Mariho, “Fa amin’izao andro farany izao,” dia miteny an’ilay zavatra iray ihany izay Noteneniny tamin’izany, “amin’ny alàlan’Ny Zanany Kristy Jesosy.” “Andriamanitra, tamin’ny fotoana samihafa, fanao samihafa, dia niteny tamin’ireo razana tamin’ny alàlan’ireo mpaminany; amin’izao andro farany izao,” manao an’ilay zavatra iray ihany, “miteny amin’ny olona (ireo razana) amin’ny alàlan’Ny Zanany Kristy Jesosy.” Nanangana Azy tamin’ny maty, ary velona ao anatintsika Izzy, manondro ny Tenany sy miteny amintsika mialoha an’ireo zavatra, hoe Izzy dia mpamantatra ny eritreritra sy ny fisainan’ny fo. Jesosy Kristy ilay tsy miova omaly, anio, ary mandrakizay!

“Andriamanitra, tamin’ny fotoana samihafa sy fanao samihafa dia niteny tamin’ireo razana tamin’ny alàlan’ireo mpaminany, fa amin’izao andro farany izao dia amin’ny alàlan’i Jesosy Kristy Ny Zanany.” Tsy azo avadika ny Soratra. Marina tokoa izany.

¹²⁰ Araka ny nolazaiko teo aloha, tsy mila olona handika an’ity Teny ity Andriamanitra. Izy no mandika Ny Teniny Manokana. Rehefa milaza zavatra iray Izy, mitranga izany, dia izany ilay fandikana. Hitanareo? Tsy mila olona iray Izy hilaza hoe, “Eny, mino aho fa izany no dikan’ity.” Andriamanitra no manondro an’izany amin’ny alàlan’ny Fandikany Manokana.

¹²¹ Dia, raha ho an’io andro io ilay teny fikana, isika tsy afaka miaina ao amin’ny hazavan’i—i—i Luther. Isika tsy afaka miaina ao amin’ny hazavan’i Wesley, isika tsy afaka miaina ao amin’ny hazavan’ny iray amin’ireo. Tsy maintsy miaina ao amin’ny Hazavana izay nampanantaina ho an’ity andro ity isika.

¹²² Ahoana moa raha nandeha nankany Egypta i Mosesy, ka nanao hoe, “Eny, hanorina sambofiara goavana iray isika. Hitsingevana isika hiala amin’ity firenena ity. Hiakatra ve ny Neily”? Niverina njery tao amin’ilay horonana izy ireo; tsy nisy teny fikasana mikasika an’izany. Marina izany. Fa, hitanareo, nanondro ny tenany ho mpaminanin’Andriamanitra izy, satria izay nolazainy dia niseho, tamin’izay fotoana izay dia fantatr’izy ireo fa izy no nanana ny Tenin’ny Tompo. Farao nanana lefona, fa Mosesy nanana ny Teny. Noho izany rehefa tonga teo amin’ilay ranomasina izy ireo, dia nilentika tao anatin’ny ranomasina ireo lefona rehetra; fa Mosesy nitondra ny Isirael ny niampita ny ranomasina, teo amin’ny tany maina, satria izy no nanana ny Teny, ary izy no Teny ho an’io ora io. Mosesy no Teny tonga voaseho ho an’io ora io.

Elia no Teny tonga voaseho ho an’io ora io.

¹²³ Kristy no Teny tonga voaseho, sy ireo teny fikasana izay Nataony. “Vetivety foana dia tsy hahita Ahy intsony izao tontolo izao; kanefa ianareo no hahita Ahy, satria homba anareo Aho, ho ao aminareo mihitsy aza, hatramin’ny faran’izao tontolo izao. Ireo asa izay Ataoko no hataonareo koa.” Izy no nampanantena an’ireo zavatra ireo. Inona izany? Izany no toetran’Andriamanitra maneho Ny Teniny, tahaka ny Nataony tao amin’ny taona rehetra.

¹²⁴ Malakia 4, hoy Izy hoe, “Alohan’ny hahatongavan’ilay andro lehibe sady mahatahotra an’ny Tompo, indro, Izaho maniraka an’i Elia mpaminany ho aminareo; ary izy no hamerina ny finoan’ireo zanaka ho amin’ireo rainy indray, alohan’ny ahatongavan’io andro io.” Izy no nampanantena an’izany.

¹²⁵ Jesosy no nilaza, ao amin’ny toko faha-17-n’ny Masindahy Lioka hoe, “Tahaka ny tamin’ny andron’i Sodoma, dia ho toy izany koa amin’ny fihavian’ny Zanak’olona, rehefa ho voambara ny Zanak’olona.” Rehefa maneho ny tenany ny fanambarana,

amin'ny andro izay hahatonga an'izao tontolo izao hitovy amin'i Sodoma, dia inona no hisy? Tanteraka ny toetran'ity Soratra ity. Andriamanitra manondro ny Tenany amin'ny alàlan'ny Toetrany, ireo toetra izay efa Nananany foana. Tsy afaka miala amin'izany Izy.

¹²⁶ Tamin'ireo andro farany, dia voatondro tamin'ny alàlan'Ny Zanany Izy. Mariho hoe ahoana no anaovan'Andriamanitra foana an'ireo tao amin'ny—satria Izy fo-... Izy dia tsy manova ny Fombany mihitsy.

¹²⁷ Ireto lehilahy telo izay niresaka tamin'i Abrahama ireto, arak'izay vao avy noresahantsika teo, tamin'ny andron'i Sodoma.

¹²⁸ Abrahama dia lehilahy iray izay nino an'Andriamanitra. Nandray an'Andriamanitra tamin'ny Fampanantenany izy. Saraha, ny vadiny, dia dimy amby enimpolo taona, Abrahama dia dimy amby fitopolo taona, rehefa niantso azy Andriamanitra. Nilaza Izy fa izy ireo dia hahazo za—zaza iray; hahazo zaza iray amin'i Saraha i Abrahama. Mety ho mahatsikaiky kely izany, saingy heveriko fa izy dia nanao ny rehetra—ireo bàn-kiraro kely sy paingotra, sy ny zavatra rehetra, ho vonona, satria hahazo an'io zazakely io izy ireo.

¹²⁹ Taorian'ny valo amby roapolo andro voalohany, nahoana, dia mety nilaza tamin'i Saraha i Abrahama hoe, “Ahoana no tsapanao, ry malala?”

“Tsy misy fahasamihafana.”

“Voninahitra ho an'Andriamanitra, ho azontsika izy, na ahoana na ahoana.”

“Ahoana no ahafantaranao?”

“Andriamanitra no niteny an'izany.”

Lasa ny taona iray. “Ahoana no tsapanao, malala?”

“Tsy misy fahasamihafana.”

“Ho azontsika izy, na ahoana na ahoana. Andriamanitra no niteny an'izany.”

Lasa ny dimy taona. “Ahoana no tsapanao ankehitriny, malala?”

“Tsy misy fahasamihafana.”

“Ho azontsika izy, na ahoana na ahoana. Andriamanitra no niteny an'izany.”

¹³⁰ Inona izany? Nanana ny teny fikasan'Andriamanitra izy. Nino an'Andriamanitra izy, ary nihetsika tahaka an'Andriamanitra: nifikitra teo amin'ny Teny nampanantenaina izy. Izany...

¹³¹ Lasa ny dimy amby roapolo taona. Nivadika ho mavo ireo bàn-kiraro, saingy mbola nifikitra tamin'ireo foana izy.

Ankehitriny dia antitra izy, ary nanjoko, ary tao amin'ny vatana iray mahonena izy; ary ny kibon'i Saraha dia tena maty tsara mihitsy, ary momba izy. Ary toerana iray toy ny inona no nisy azzy ireo!

¹³² “Ahoana no tsapanao, ry Abrahama, rain’ny firenena?” hoy ireo sakaizany mody mpino taminy.

¹³³ “Eny, voninahitra ho an’Andriamanitra, mahatsapa ho tsara aho. Hahazo an’io zazakely io izahay, na ahoana na ahoana.” Satria tsy niahahanhana tamin’ny teny fikasan’Andriamanitra tamin’ny tsi-finoana izy; fa nahery, nanome ny dera ho an’Andriamanitra, ary nahatoky indrindra fa izay nolazain’Andriamanitra, dia hain’Andriamanitra hatao. Amena. Izany no toetran’ny mpino iray.

¹³⁴ Ahoana ny aminareo? Hitanareo? Ahoana ny amintsika, zanak’i Abrahama? Voatondro miaraka amin’ny Tenin’Andriamanitra ve isika, ho teny fikasana iray, ka ny toetrantsika dia manondro ny tenantsika, hoe mino an’Izany tokoa isika? Sa, mihodinkodina fotsiny ianareo, mitsambikina avy *eto*, sy *eto*, ary *eto*, ary maminavina, sy mihodinkodina manodidina, mikasika an’Izany? Amin’izay fotoana izay, dia tsy Kristiana isika, mody mpino fotsiny isika.

¹³⁵ Fa, rehefa tena mijoro marina tokoa amin’io teny fikasana io isika, mifatotra mafy amin’Izany eo mihitsy ary mijanona miaraka amin’Izany! Nanao i Abrahama.

¹³⁶ Mahita isika ankehitriny, indray andro dia nahita lehilahy telo tonga izy, nandeha. Hoy ny Baiboly eto hoe, “Tao amin’ny hafanan’ny andro izany,” tsy maintsy ho teo amin’ny mitataovovonana teo. Nandroso ireo lehilahy telo ireo ary niresaka taminy. Mahalala isika fa ny roa tamin’izy ireo dia nidina nankany Sodoma. Mino aho fa efa niresaka teo amin’izany isika indray hariva. Ny iray tamin’izy ireo dia nijanona niaraka taminy.

¹³⁷ Diniho io Lehilahy io izay nantsoin...izay nijanona niaraka taminy, izay nataon’ilay Lehilahy. Ny Anankiray dia voatondro tamin’ny alàlan’ny Toetrary, hoe Izy no Elohimia.

¹³⁸ Elohimia, ilay tena teny voalohany mihitsy ao amin’ny Baiboly, “Tamin’ny voalohany Andriamanitra...” Ankehitriny, mahafantatra ny tsirairay avy aminareo nianatra fa io teny hoe *Andriamanitra* eo io dia midika, amin’ny teny Hebreo, dia “Elohimia,” izay midika hoe, “ny Tsitoha, ilay ampy tanteraka, ilay misy amin’ny alàlan’ny tenany,” tsy mila fanampiana avy amin’iza na iza, tsy mila fandikan’iza na iza; manao ny Azy Manokana. Izy no Andriamanitra ampy tanteraka, manerana, faratampon’ny fahaizana, faratampon’ny hery. Andriamanitra Izy.

¹³⁹ Teo Izy. Ary Abrahama ankehitriny, ity patriarka izay nihazona ny Teny ity, dia njery an’io Lehilahy io. Ary

rehefa nanatodika ny Lamosiny nankany amin'ilay tranolay ity Lehilahy ity, dia hoy Izy hoe, "Aiza ny vadinao, Saraha?"

Hoy izy hoe, "Ao anatin'ny tranolay izy, Aorianao."

¹⁴⁰ Hoy Izy, "Hamangy anao Aho araka ny andron'aina, ary hahazo an'io zazakely izay Nampanantenaiko anao io ianao."

¹⁴¹ Fa nihomehy mikasika an'izany i Saraha. Ary ilay Anankiray dia niresaka taminy, niteny taminy an'izay nolazain'i Saraha tao anatin'ny tranolay, Taoriany.

¹⁴² Ankehitriny, ao amin'ny Genesisy, hamaky an'izany ianareo. Mahita isika fa tamin'izay fotoana izay, Abrahama, rehefa avy nanondro ny Tenany ity Lehilahy ity . . .

¹⁴³ Inona izany? Hebreo, toko faha-4, ny andinin faha-12, no nanao hoe, "Ny Tenin'Andriamanitra dia maranitra, mahery nohon'ny sabatra roa lela, mpamantatra ny eritreritra sy ny fisainan'ny fo."

¹⁴⁴ Fantany fa io ilay Lehilahy. Fantany fa tsy nisy mpaminany afa-tsy izy teo amin'ny firenena, ary noho izany dia tonga taminy ny Tenin'ny Tompo. Ary mpaminany izy, ka indro fa tonga tamin'ny mpaminany ny Teny.

¹⁴⁵ Zavatra iray ihany tamin'i Jaona Mpanao-batisa. Efa tsy nisy mpaminany teo nandritry ny efajato taona. Tsaroako . . .

¹⁴⁶ Angamba mipetraka eto Dokotera Davis antitra, izao hariva izao, ilay mpitoky tenin'ny Missionary Baptist fahiny izay nanao batisa ahy tao amin'ny Finoana. Nifamaly tamiko izy taloha. Hoy izy hoe, "Billy, ankizy iray fotsiny ianao ankehitriny. Tsy maintsy mihaino ahy ianao."

Hoy aho hoe, "Eny ary, Rahalahy Davis, mihaino aho."

¹⁴⁷ Hoy izy hoe, "Hitanao, tsy vita batisa i Jaona. Noho izany dia nanao batisa izy, fa tsy natao batisa; tsy nisy olona mendrika hanao batisa azy." Teolojia Batista tsara izany. "Ary indro tonga Jesosy, ka nilaza avy eo . . . Hoy i Jaona hoe, 'Izaho no mila Ataonao batisa; koa nahoana Ianao no manatona ahy?' Dia hoy Izy hoe, 'Ekeo ihany izao.'" Hoy izy hoe, "Ary avy eo rehefa izy no 'nanaiky' Azy," hoy izy, "hitanao, tamin'izay fotoana izay Jesosy no nanao batisa an'i Jaona. Ary rehefa nivoaka avy tao amin'ny rano Izy, tamin'izay fotoana izay dia nisokatra ny lanitra ary nahita an'Andriamanitra tao amin'ny endriky ny voromailala iray Izy, nidina ary nandeha teo Amboniny, nanao hoe, 'Ity no Zanako Malalako, Izay Sitrako hitoerana.'" Saingy, tsia, tsy hoe tsy hifanaraka amin'ny Dokotera Davis, fa diso izy.

¹⁴⁸ Hitanaeo, Jaona no mpaminany, ary ny Teny dia tonga foana amin'ny mpaminany. Noho izany raha tonga nofo ny Teny, dia tsy maintsy tonga tamin'ny mpaminany Izany, na ahoana na ahoana; satria, izy no nanambara ny Teny, ary ny tena toetrary mihitsy no nanondro azy ho izany. Indro tonga ny Teny, ankehitriny inona no nitranga? Vantany vao nandeha teo anatrehan'i Jesosy izy, dia

hoy i Jaona hoe, “Izaho no mila Ataonao batisa; nahoana Ianao no manatona ahy?”

¹⁴⁹ Hoy Jesosy hoe, “Ekeo ihany izao, fa izao no mety amintsika (mahamety antsika) hahatanteraka ny fahamarinana rehetra.” Jaona amin’ny maha-mpaminany; Izy amin’ny maha-Teny. Izy no Fanatitra, ary natao hiditra ao amin’ny Asampanompoany eto an-tany Izy, ka tsy maintsy voasasa ilay Fanatitra alohan’ny hanolorana azy. Dia nanao batisa Azy i Jaona, satria nahafantatra izy. “Ekeo ihany izao, fa izao no mety amintsika hahatanteraka ny fahamarinana rehetra.” Tsy maintsy voasasa ilay Fanatitra alohan’ny hanolorana, ka noho izany dia nanao batisa Azy i Jaona. Tsy Jesosy no nanao batisa an’i Jaona. Jaona no nanao batisa an’i Jesosy. “Ekeo ihany izao.”

¹⁵⁰ Mariho, indro i Abrahama, ary izy no nanana ny Tenin’ny Tompo. Tonga taminy ny Tenin’ny Tompo. Izy no mpaminany. Ary ankehitriny indro tonga ny Teny. Izy dia niantso azy hoe, “Abrahama,” fa tsy *Abrama*.

¹⁵¹ Andro vitsy talohan’io, ny anarany dia Abrama—dia Abrama, ankehitriny dia Abrahama izany. Ny vadiny dia Sari, ankehitriny izany dia “Saraha,” tsy S-a-r-a-y; S-a-r-a-h-a. Tsy (A-b-r-a-h-a-m-a) A-b-r-a-m-a, fa A-b-r-a-h-a-m-a, Abrahama.

¹⁵² Ary nanondro ny Tenany ity Lehilahy ity, rehefa hoy Izy hoe, “Abrahama!” Oh, oadray!

Hoy Abrahama hoe, “Elohim!”

¹⁵³ Io ny Teny sy ny mpaminany, miaraka, samy olona voatondro izy roa.

¹⁵⁴ Elohim, hoy Izy hoe, “Aiza ny vadinao, Saraha?”

¹⁵⁵ Hoy izy, “Ao anatin’ny tranolay izy, Aorianao.” Ary ny... Tamin’izay fotoana izay no vita ilay fahagagana. Elohim! Abrahama dia niantso Azy hoe, “ilay Andriamanitra ampy tanteraka, Tsitoha, faratampon’ny hery.”

¹⁵⁶ Jesosy no nilaza, rehefa teto an-tany Izy, dia nanao an’ilay zavatra iray ihany izay nataon’i Elohim Izy. Izany no nanondro ny Toetrary amin’ny maha-Andriamanitra.

¹⁵⁷ Ary Izy no nilaza, tany aloha, “Amin’ny andro farany, amin’ny fihavian’ny Zanak’olona mihitsy, rehefa ho voambara Izy, dia hiseho indray io toerana io, tahaka ny tany Sodoma.” Elohim eo anivon’ny Olony, ilay Andriamanitra Tsitoha! Izany no lazain’ny Soratra. Elohim eo anivon’ny olona!

¹⁵⁸ Nandritry ny efapolo taona no Nanaovany batisa antsika tamin’ny Fanahy Masina, Elohim, Andriamanitra! Ary ny fiangonana...

¹⁵⁹ Jereo, nahita famantarana iray i Abrahama, antso hafa iray; famantarana iray, antso iray; antso iray, famantarana

iray; niandry an'io zanaka nampanantenaina io. Saingy ilay famantarana farany izay hitany, ilay fisehoana farany, ilay famangian'Andriamanitra farany talohan'ny nahatongavan'ilay zanaka nampanantenaina teo amin'ny sehatra, dia Elohimia tao amin'ny nofon'olombelona. Avy eo dia tonga ilay zanaka nampanantenaina.

¹⁶⁰ Ary ny Taranak'i Abrahama dia miandry an'ilay Zanaka nampanantenaina, Jesosy Kristy. Ary efa nahita an'ireo famantarana izy ireo, ny firotsahan'ny Fanahy Masina, fitenenena amin'ny fiteny tsy fantatra, fansositranana avy amin'Andriamanitra, sy ny sisa. Saingy rehefa ho voambara ny Zanak'olona, dia hiverina indray Elohimia ho an'ilay Taranaka mpanjaka an'i Abrahama ka haneho an'io zavatra iray ihany izay Nasehony tamin'io andro io, amena, Elohimia, tahaka ny tamin'izany! Nahoana? Izany no ho toetran'Andriamanitra.

¹⁶¹ Ankehitriny, raha Kristy no Andriamanitra, "Fa vetivety foana dia tsy hahita Ahy intsony izao tontolo izao; kanefa ianareo no hahita Ahy, satria homba anareo Aho, ho ao anatinareo mihitsy aza, hatramin'ny fahafonganana, ny farany. Ireo asa izay Ataoko no hataonareo koa."

¹⁶² Jesosy no nilaza an'izany ao—ao amin'ny Lioka, ny toko faha-17. Eny àry, rehefa mino isika ka mahita an'ireo andro farany ireo, dia ho voaseho indray io toerana io.

¹⁶³ Noho izany, Hebreo 1:1, "Andriamanitra, tamin'ny fotoana samihafa dia nanondro ny Tenany tamin'ny alàlan'ireo mpaminany, amin'izao andro farany izao dia nanondro tamin'ny alàlan'ny fitsanganan'Ny Zanany tamin'ny maty," amin'ny fanomezana ny Fianganana an'ilay toetra iray ihany izay Nananany, manao ny Hebreo 13:8 ho tena marina tokoa.

¹⁶⁴ Tsy misy volom-borona afaka hiendaka amin'izany. Volom-boromahery izany. Miraikitra mafy izy ireo, satria voron-danitra izy ireo. [Elanelana tsy voaraki-peo—Mpand.]...mihinana sakafom-boromahery izy ireo.

¹⁶⁵ Mahamarika isika ankehitriny fa, "Tamin'ny fotoana samihafa, fanao samihafa, no Nitenenany tamin'ireo razana tamin'ny alàlan'ireo mpaminany, amin'izao andro farany izao dia amin'ny alàlan'Ny Zanany Jesosy Kristy, tamin'ny fananganana Azy tamin'ny maty." Ary indro Izy eo anivontsika, taorian'ny roa arivo taona, ilay Jesosy tsy miova, tsy hoe iray amin'ireo mpaminany; Jesosy, haleloia, ilay Zanak'Andriamanitra nitsangana!

¹⁶⁶ Jesosy no nilaza, indray andro, hoy Izy hoe, "Ny taranaka ratsy fanahy sy mpijangajanga dia mitady famantarana, ary hahazo famantarana iray izy ireo." Ny taranaka ratsy fanahy sy mpijangajanga. Oviana izao tontolo izao no tena ratsy fanahy indrindra, na mpijangajanga sy simba, raha tsy izao ankehitriny izao?

¹⁶⁷ “Tahaka ny tamin’ny andron’i Jona, tahaka an’i Jona tao an-kibon’ilay trozona nandrity ny telo andro sy alina, dia toy izany koa no tsy maintsy hitoeran’ny Zanak’olona ao anatin’ny tany telo andro sy alina.”

¹⁶⁸ Noho izany, “ny taranaka ratsy fanahy sy mpijangajanga” dia tsy maintsy nahazo famantarana iray. Karazana famantarana inona? Ny famantarana’ny fitsanganana. Ary manana an’izany isika amin’izao andro izao, taorian’ny roa arivo taona, mbola velona foana Izy. Eo anivontsika Izy, izao hariva izao, ilay tsy miova omaly, anio, ary mandrakizay, manondro ny Tenany amin’ny alàlan’ireo toetran’Andriamanitra, maneho ny Teny ao amin’ity andro ity izay Nampanantenainy fa hatao. Amena.

¹⁶⁹ Io ny Teny. Ankehitriny dia hino an’ilay famantarana ve ianareo, ny zavatra manaraka, ireo andro farany, ny Fanondroany amin’ny alàlan’Ny Zanany? Mariho.

¹⁷⁰ Niteny tamin’i Mosesy Andriamanitra tamin’ny fotoana samihafa. Ao amin’ny Deoteronomia 18:15, dia voalaza hoe, “Ny Tompo Andriamanitraiseo dia hanangana Mpaminany iray tahaka ahy.” Diniho ankehitriny. Izany no Teny. Izany no Teny. Izany dia Andriamanitra. Tsy Mosesy izany. Ahoana no hahafantaran’i Mosesy an’izany? Lehilahy iray izy. Fa Andriamanitra, niteny tamin’ny alàlan’i Mosesy, no nilaza an’io. Mino an’izany ve ianareo? Eny ary.

¹⁷¹ Mariho Jesosy ankehitriny, diniho hoe ahoana Ireo—Ireo toetrany no nanondro an’io Teny nampanantenaina io ho marina. Nanondro tokoa Izy. Voatondro tamin’ny alàlan’io toetra izay nolazain’i Mosesy fa haha-izy Azy io Izy.

¹⁷² Maro tamin’izy ireo, tahaka ny amin’izao andro izao, mila mahita mpitarika malaza iray izy ireo. “Oh, ity no Dokotera Ph. *Ranona-sy-ranona*. Nivoaka avy tao amin’ny Hartford University izy.” Na, “Izy dia nivoaka avy tamin’ny goavana be iray tany ho any tahaka an’izany.” Tsy izany no fanondroan’Andriamanitra. Tsia, tsia. Tsy zavatra iray mikasika an’izany. Ny Teny no manondro an’Andriamanitra. Hitanareo?

¹⁷³ Tsy mahay iray Jesosy, tsy mpisorona iray koa Izy, tsy raby iray koa Izy, ho an’izao tontolo izao. Jiolahimboto iray Izy, ho an’izao tontolo izao.

¹⁷⁴ Saingy Andriamanitra no nanamarina Ny Teniny tamin’ny Alàlany, izay nanao Azy ho Imanoela. Izany no Fanondroany. Ankehitriny, eto, Jesosy dia manatanteraka marina tokoa an’izay nolazain’Andriamanitra tamin’ny andro samihafa fa Hataony, tamin’ny alàlan’i Mosesy, an’izay Hataony.

¹⁷⁵ Diniho ankehitriny rehefa nihaona tamin’i Petera Izy, araka ny nanaovantsika azy ho tantara iray indray hariva, rehefa nihaona tamin’i Petera Izy ka niteny tamin’i Petera hoe iza no anarany. Io famantarana io no nanondro ny Filazàny Mesianika,

ho an'i Petera, satria ny Teny dia efa nilaza hoe, "Ny Tompo Andriamanitrareo dia hanangana Mpaminany iray."

¹⁷⁶ Koa tonga i Petera, izay Simona tamin'izany, tonga teo amin'izay nisy Azy. Ary njery azy Jesosy, nanao hoe, "Ny anaranao dia Simona, ary ianao dia zanak'i Jonasy." Izany no nanondro ny toetran'i Kristy ho io Teny izay nampanantenain'i Mosesy io. Nahafantatra i Petera fa io famantarana io no nanondro an'i Jesosy ho Mesia. "Andriamanitra no tao amin'i Kristy," ilay hosotra ho an'ny andro farany. Tamin'i Natanaela... Tsarovy, Noteneniny tamin'i Simona ny anarany.

¹⁷⁷ Ankehitriny, diniho, tamin'i Natanaela dia Noteneniny taminy izay nataony. "Teo ambanin'ny hazo ianao rehefa nahita anao Aho." Izany no nanondro Azy ho Mesia.

¹⁷⁸ Hoy izy, "Ianao no Zanak'Andriamanitra. Ianao no Mpanjakan'ny Isiraely." Voatondro tamin'ny alàlan'ny toetran'ilay Teny nampanantenaina Izy hoe Izy no ho ilay Mesia. "Ny Tompo Andriamanitrareo dia hanangana Mpaminany iray."

¹⁷⁹ Ilay vehivavy kely teo amin'ny fantsakana, Noteneniny taminy hoe inona izy, ary izay no nanondro Azy ho io Mesia nampanantenaina io. Hitancareo?

¹⁸⁰ Ny Toetrany, ireo Toetrany, no Teny izay voatondro. Ireo Toetrany no maneho fa ny Teny dia Andriamanitra, koa izany no Andriamanitra voatondro tao amin'i Kristy. Diniho izany ankehitriny. Raiso naoty.

¹⁸¹ Tamin'i Petera, voatondro Izy tamin'i Petera tamin'ny alàlan'ny fiantsoana ny anarany. Voatondro Izy tamin'i Natanaela tamin'ny nitenenana taminy an'izay nataony. Voatondro Izy tamin'ny alàlan'ilay vehivavy, tamin'ny fitenenana hoe inona izy. Inona izy...iza izy; inona no nataony; ary inona izy. Nanondro ny Toetrany Mesianika Izy izay tsy maintsy ho toetran'ny Mesia.

¹⁸² Jereo ilay vehivavy kely milaza an'ilay zavatra iray ihany. "Tompoko, hitako fa mpaminany Ianao. Efa tsy nanana mpaminany iray izahay nandrity ny efajato taona. Efa nanana fiangonana betsaka izahay, fifamaliana betsaka sy fahasamihafana ara-anaram-piangonana, saingy efa tsy nanana mpaminany iray izahay nandrity ny efajato taona. Fantatray fa rehefa tonga ny Mesia, dia izao no hanondro Azy."

¹⁸³ Hoy Izy hoe, "Izaho no Izy, izay miresaka aminao." Tsy misy na inona na inona hafahafa mikasika an'izany, "Izaho no Izy." Izany no nanondro Azy.

¹⁸⁴ Ilay vehivavy niaraka tamin'ny fitsiha-drà, no nanondro Azy ho ny Teny. Ahoana? Tamin'ny alàlan'izay Nataony rehefa nikasika Azy ny finoany. Nitodika Izy ary nanao hoe, "Iza no nikasika Ahy?" Nahafantatra zavatra iray nitranga Izy. Izany no nanondro an'i Jesosy ho Mesia.

¹⁸⁵ Nino an'izany izy, ka hoy izy hoe, "Raha afaka mikasika ny Lambany aho, dia ho salama."

¹⁸⁶ Koa vantany vao nikasika izy, dia nitodika Izy, nanao hoe, "Ankehitriny dia iza no nikasika Ahy?" Ary nandà an'izany izy rehetra. Saingy ny Toetrany Mesianika . . .

¹⁸⁷ Amena! Manantena aho fa hitanareo izany, ny fiangonana. Henoy, raha mamarana isika.

¹⁸⁸ Nikasika Azy izy teo. Nisy an-jatony teo, angamba, niezaka nikasika Azy. Niteny mafy Azy mihitsy aza i Petera, nanao hoe, "Eny, izy rehetra ireo dia mikasika Anao."

¹⁸⁹ Hoy Izy hoe, "Eny, saingy nisy olona nikasika Ahy hafa mihitsy." Izany ilay fahasamihafana, ilay fikasihan'ny finoana. Hitanareo? Hoy Izy, "Nisy olona nikasika Ahy. Fikasihana hafa iray izany. Lasa malemy Aho. Nisy tanjaka nivoaka Tamiko. Niala Tamiko ny hery." Ankehitriny, mitsangana eo Izy.

¹⁹⁰ Ankehitriny, na dia ny Mpianany Manokana aza dia nilaza, amin'ny teny hafa hoe, "Ianao dia toy—toy ny hoe olona mpanao heloka iray Ianao. Nahoana, ny vahoaka, ny olona rehetra dia mikasika Anao."

¹⁹¹ Diniho Ny, diniho ny Fanondroany ankehitriny. Nitodika Izy, njery nankany amin'ilay vahoaka betsaka. Voatsikariny avy hatrany izy. Tsy afaka nanafina ny tenany intsony izy. Niteny taminy ny toerany Izy, ka nanao hoe, "Ny finoanao no nanao anao ho salama."

¹⁹² Fantany, tamin'ny alàlan'io, fa, Hebreo 4:12, "Ny Teny dia mamantatra ny eritreritra, ny fisainan'ny fo." Ny Toetrany no nanondro Azy ho "ny Tenin'Andriamanitra tonga nofo ka nonina teo anivontsika." Amena.

¹⁹³ Heveriko fa ilay zavatra iray ihany izao hariva izao no manondro Azy, ilay Jesosy Kristy nitsangana velona eo anivontsika izao hariva izao, ilay tsy miova omaly, anio, ary mandrakizay. Ankehitriny, satria marina ny Hebreo 13:8, dia ny Toetrany no nanondro Azy androany, tahaka ny tamin'izany, ilay fanao iray ihany.

¹⁹⁴ Jereo i Kleopasy sy izy ireo, taorian'ny fitsanganana. Jesosy dia nanondro ny Tenany tamin'ny fomba izay Namakiany an'ilay mofo, fa Nataony tahaka ny Nanaovany azy talohan'ny nanohomboana Azy izany. Ary izy ireo . . . Izany no nanondro ny Toetrany, satria izany no fomba Nanaovany azy.

¹⁹⁵ Ankehitriny raha eto Izy izao hariva izao, dia ahoana no Hanondroany ny Tenany? Tahaka ny Nataony omaly mihitsy, satria Izy no tsy miova anio, ary ho tsy miova mandrakizay. Izany ilay fanondroana. Hebreo 4, efatra- . . .

14 sy 15, "Izy ankehitriny no . . ." Manao hoe, "Izy no Mpisoronabe antsika izay azo kasihan'ny fahatsapan'ny fahalementsika." Izy no Mpisoronabe antsika izao ankehitriny

izao. Taorian’ny Fitsanganany, taorian’ny Fahafatesany, taorian’ny Fandevenany, taorian’ny Fitsanganany, taorian’ny Fiakarany, amena, dia mbola mijanona ho tsy miova foana Izy omaly, anio, ary mandrakizay, Mpisoronabe iray izay azo kasihan’ny fahatsapan’ny fahalementsika. Amena. Izany Izy, izao ankehitriny izao, ho an’ny lehilahy sy vehivavy rehetra eto izay hino an’izany. Izy no Mpisoronabe antsika, tsy miova omaly, anio, ary mandrakizay.

¹⁹⁶ Velona mandrakariva Izy. Mino an’izany ve ianareo? [Hoy ny fiangonana hoe, “Amena.”—Mpand.] Ireo Toetrany dia manondro tsy ankitsahatra Azy ho tsy miova tahaka Azy fony Izy niaina teto an-tany. Mbola velona eto foana Izy, izao hariva izao, ao amin’ny endrika Fanahy Masina. Velona mandrakariva Izy. Ary ireo Toetrany dia manaraka Azy, tahaka ny nataon’izany foana mihitsy, raha mbola velona foana Izy.

¹⁹⁷ Mankasitraka aho, izao hariva izao, fa, “Andriamanitra, tamin’ny fotoana samihafa sy fanao samihafa dia niteny tamin’ireo razana tamin’ny alàlan’ireo mpaminany, amin’izao andro farany izao dia amin’ny alàlan’Ny Zanany Jesosy Kristy.”

¹⁹⁸ Oadray, tsy fantatro hoe niresaka ela tahaka an’izany aho. Adinoko hoe saiky tahaka an’izany ilay izy. Miala tsiny aho. Izaho fotsiny dia...hijanona aho.

Ndao isika hivavaka.

¹⁹⁹ Ray any An-danitra, Andriamanitra mpamindrafo lehibe! Tompo, izaho—izaho... angamba miresaka be loatra aho. Mivavaka aho, Andriamanitra, raha nanao aho, dia hamela ahy Ianao. Saingy, Tompo, tsy afaka mangataka famelana ho an’izay nolazaiko aho. Nilaza fotsiny an’izay Nolazainao ao anatin’Ny Teninao eto aho.

²⁰⁰ Ankehitriny teny iray na roa fotsiny avy Aminao, Tompo, dia hahita an’izany angamba ny olona rehetra eto izao hariva izao. Ilay vahoaka kely, marary dia ho sitrana rehefa hitan’izy ireo fa Ianao no mbola Mpisoronabe anay lehibe. Mivavaka aho, Tompo, ao amin’ireto minitra vitsy manaraka ireto, mba Hanaovanao an’ity Hafatra ity ho velona indray ao amin’ny zava-misy. Ho an’izay nolazaiko araka ny Teny, dia enga anie ny Toetranao hanondro Anao eo anivonay, izao hariva izao, hoe Ianao no tsy miova omaly, anio, ary mandrakizay, satria amin’ny Anaran’i Jesosy no angatahanay an’izany. Amena.

²⁰¹ Vetivety fotsiny ankehitriny. Isika, izaho—tara kely fotsiny aho, saingy hiaritra ela ve ianareo rehetra mba hananana laharam-bavaka kely iray mandritry ny dimy ambin’ny folo, roapolو minitra? Raha sitrakareo, dia atsangano ny tånanareo, manaova hoe, “Izahay...” Eny àry, misaotra—misaotra anareo. Nampanantena aho ny hamela anareo hivoaka amin’ny sivy sy sasany. Izany ilay ora ankehitriny; latsaka roapolو minitra izao.

Noho izany raha hanome ahy fotsiny eo amin'ny folo minitra eo ianareo, dia handeha haingana mihitsy aho.

²⁰² Ndao jerentsika, inona ireo karatra fangataham-bavaka nozarain'izy ireo androany? [Hoy ny rahalahy iray hoe, "O."—Mpand.] O? Inona, taiza isika no nanomboka indray hariva, iray, iray? ["Heveriko fa iray ilay izy."] Hia, ah-hah.

²⁰³ Ary noho izany isika, omaly hariva, isika fotsiny... ny Fanahy Masina... Nihaino aho androany, ary namerina an'izay voalaza. Ny sasany amin'ireo anarana Frantsay, izaho dia... Ny Fanahy Masina; ny fomba tokana azoko hanaovana azy, dia miandry fotsiny ary mijery.

²⁰⁴ Hitanareo, matetika rehefa mahita fahitana iray ianareo, dia tsy maintsy avadibadika sy adika izany. Voadika ilay izy. Ny fahitana, ohatra hoe ianareo dia—ianareo dia mahita o—ondry iray, mety midika ho volon'ondry iray izany. Hitanareo, tsy maintsy manana an'ilay fandikana an'izany koa ianareo, hitanareo, ary mamadibadika an'io fahitana io ka mandika azy.

²⁰⁵ Ary voamariko omaly hariva, izaho—tsy afaka niteny an'ireo anarana Frantsay ireo aho, tsy maintsy notononiko ilay izy.

²⁰⁶ Tany Afrika sy nanodidina an'ireo Hottentots sy mpanompo sampy, sy ny sisa, dia tsy maintsy nanonona ny anaran'izy ireo marina mihitsy Izany, niteny tamin'izy ireo hoe iza izy ireo, nanonona an'ilay izy marina tokoa tao amin'ny fitenin'izy ireo. Izy ireo, fantatr'izy ireo hoe inona ilay izy, vantany vao tonononareo izany. Nefa, hitanareo, fa mahafantatra ny fiteny rehetra Izy. Izy no Andriamanitra Mandrakizay.

²⁰⁷ Ndao isika hanomboka izao hariva izao manomboka amin'ny, ndao ataontsika hoe, dimy amby fitopolo, hatramin'ny zato, ao amin'ny O. Ny O, izany ve no nolazainy? Izaho... [Hoy ny rahalahy iray hoe, "Eny. O."—Mpand.] O, O. Hia. Eny àry. Iza no manana ny karatra fangataham-bavaka dimy amby fitopolo, ndao ho jerentsika izany? Ao amin'ny O, karatra fangataham-bavaka O, dimy amby fitopolo, atsangano ny tànanao, na iza na iza no manana azy. An'ny O. Eny àry. Tongava avy hatrany eto. Dimy amby fitopolo, valopolo, dimy amby valopolo, sivifolo, dimy amby sivifolo, ny zato, tongava amin'ity lâlana ity raha sitrakareo. Eny àry, izany ilay izy, milahara avy hatrany eto, haingana mihitsy, satria tsy hanana fotoana isika. Hahatoky fotsiny aho fa hanao an'izany ianareo.

²⁰⁸ Jereo ny karatra fangataham-bavakareo. Jereo ny karatra fangataham-bavaky ny eo ankilanareo. Inona ny... Ary raha kilemaina ny olona iray, dia ento ao amin'ilay laharam-bavaka avy hatrany izy ireo. Noho izany raha manana O izy ireo, ohatra fotsiny hoe O, fitopolo-...

²⁰⁹ Dimy amby fitopolo hatramin'ny zato, milahara avy hatrany eto, raha sitrakareo. Na aiza na aiza ianareo, eny amin'ny rihana ambony, na aiza na aiza koa, dia midîna avy hatrany, ary

tongava eo amin'ilay laharana haingana arak'izay azo atao, raha sitrakareo, mba hananana fotoana.

²¹⁰ Ankehitriny ny sisa aminareo eto, izay tsy manana karatra fangataham-bavaka iray, dia hanangana ny tānanareo ve ianareo ka hanao hoe, "Tsy manana karatra fangataham-bavaka iray aho, Rahalahy Branham, saingy mino aho"? Atsangano ny tānanareo.

²¹¹ Tsarovy ankehitriny, hiresaka aminareo mikasika an'ilay Mpisoronabe aho. "Izy no Mpisoronabe izay azo kasihan'ny fahatsapan'ny fahalementsika." Izy no *Jehovah-Jire*, "ny Tompo no nanomana fanatitra." Izy no *Jehovah-Rafa*, "ny Tompo izay manasitrana ny aretinao rehetra." Mino an'izany ve ianareo? [Hoy ny fiangonana hoe, "Amena."—Mpand.] Izy no *Jehovah-Manase*. Ny *fiarovan-tratra*, ny *ampinga*, ny *fiadanantsika*, mbola Izy foana. Eny, firy no mino fa nampiharina tamin'i Jesosy ireo anaram-panavotan'i Jehovah rehetra ireo? ["Amena."] Azo antoka, tsy maintsy ho izany Izy. Raha Izy—raha Izy... Nahoana, tsy azo sarahina izy ireo, noho izany dia tsy maintsy ho ny rehetra amin'ireo Izy. Ary raha mbola Izy foana no Jehovah-Jire, dia Izy no Jehovah-Rafa. Raha Izy no Jehovah-Jire... Izy no *Jehovah-Jire*, dia "ny Tompo no nanomana fanatitra ho an'ny famonjena," amin'izay fotoana izay dia Izy no *Jehovah-Rafa* izay "manasitrana ny aretintsika rehetra." Amen. Ny fanasitranana dia avy amin'Andriamanitra irery ihany.

²¹² Eny àry, raha mbola milahatra ny olona; tsy manam-potoana hijerena aho hoe iza izy ireo sy inona izy ireo. Fa ankehitriny, izay rehetra eo ka mahafantatra fa tsy mahafantatra anareo aho, dia atsangano ny tānanareo, manaova hoe, "Mila an'Andriamanitra aho. Fa tsy mahafantatra ahy ianao, Rahalahy Branham, saingy mila an'Andriamanitra aho. Hanangana ny tānako fotsiny aho."

²¹³ Ankehitriny raha hipetraka tsara mandritry ny minitrity vitsy fotsiny ianareo, diniho, aoka hitandrina, aoka hilamina. Ankehitriny izaho tsy te-hilaza, rehefa hoy aho hoe, "aoka hilamina,"... Raha manao zavatra iray ny Tompo, ka te-hidéra ny Tompo ianareo; izany no fanompoana. Fa ny tiako ho lazaina dia, "ny mihazakazaka manodidina, mitsangana," fantatrareo, tsy fanajana izany. Hitanareo? Ary tena saro-kenatra ny Fanahy Masina, tena saro-kenatra. Hitanareo? Ny zavatra iray tahaka an'izany fotsiny, dia ialany amiko mihitsy, ary avy eo aho dia tsy maintsy hiady, indray, hitanareo. Fa raha hihaino ianareo!

²¹⁴ Tsaroanareo ve ny Fampanantenany voalohany? "Ataovy mino anao ny olona, ary aoka ho tso-po avy eo, tsy hisy na inona na inona hitsangana eo anoloan'ny vavakao." Tsaroanareo ve izany? [Hoy ny fiangonana hoe, "Amena."—Mpand.] Marina izany. Ary izany dia... Tsy mbola nahita an'izany diso aho, ary tsy ho diso izany. Andriamanitra izany.

²¹⁵ Ankehitriny dia handeha haingana isika amin'ilay laharam-bavaka, mba ahafahantsika mahavita betsaka arak'izay vitantsika, nohon'ny olona. Fa ianareo izay manana karatra fangataham-bavaka ka tsy voaantso izao hariva izao, dia hazony ny karatrareo, hikarakara anareo izahay. Eny àry.

²¹⁶ Ankehitriny ianareo tsy manana karatra fangataham-bavaka eo, tsarovy. Na, ianareo eo io, na manana karatra fangataham-bavaka ianareo na tsia, dia minoa fotosny fa Izy dia tahaka ny Hebreo ny toko faha-4 eto. "Izy no Mpisoronabe izay azo kasihan'ny fahatsapan'ny fahalementsika." Jereo raha mijanona Izy. Jereo raha maneho ny Tenany eo anivon'ny Olony Jehovah, tahaka ny Nataony tamin'ny andron'i Sodoma. Eny àry.

²¹⁷ Eny àry, tompoko. Ndao isika hivavaka ankehitriny, ankehitriny, aoka ho tena manaja. Tsarovy ankehitriny, teny iray avy amin'Andriamanitra dia mihoatra lavitra nohon'ny azon'ny olona iray lazaina. Ankehitriny, ity lehilahy eto ity, izaho—tsy mahafantatra azy aho. Ary ataoko fa izy dia... Vahiny amiko ianao, sa tsy izany, tompoko? [Hoy ilay rahalahy hoe, "Eny."—Mpand.] Vahiny iray ianao. Zavatra tokana no fantatsika, hoe samy tsy maintsy hitsangana eo amin'ny Fanatrehan'Andriamanitra isika roa indray andro any; amin'ny maha-olona, dia tsy maintsy hihaona isika Any. Izao no fotoana voalohany ihaonantsika.

²¹⁸ Ankehitriny raha tonga eto ianao, raha marary ianao, tsy fantattro; mety ho zavatra hafa ilay izy, hitanao. Fa raha izaho—raha mametra-tànana eo aminao aho, hanao hoe, "Deraina ny Tompo! Mandehana, aoka ho salama." Mety tsara izany. Afaka mino an'izany ianao. Saingy ahoana moa raha Izy no miteny aminao an'izay tsy mety aminao? Ankehitriny, hitanao, hafa izany, amin'izay fotoana izay dia fantatralo fa izany no manondro ny Toetrary. Hitanareo, tsy ho ny toetrako izany. Lehilahy iray aho; tsy hahafantatra na inona na inona mikasika azy aho. Vao avy niteny taminy aho hoe, "Tsy mahafantatra anao aho." Izy tsy mahafantatra ahy. Fa inona no hataon'izany? Izany no hanondro ny toetran'i Jesosy Kristy ilay tsy miova omaly, anio, ary mandrakizay. Mahafantatra fa tsy mety ho izaho izany, tsy mety ho izaho, satria tsy mahafantatra an'ilay lehilahy aho. Hanangana ny tànako aho; ity ny Teny. Hitanareo? Tsy mahafantatra azy aho. Izy tsy mahafantatra ahy. Fa ny toetran'i Jesosy Kristy...

²¹⁹ Raha nitsangana teto Jesosy; ary izy dia marary. Raha hilaza izy hoe, "Tompo Jesosy, sitrano aho." Inona no ho lazain'i Jesosy aminy? "Efa Nataoko izany." Marina ve izany? [Hoy ny fiangonana hoe, "Amena."—Mpand.]

²²⁰ "Izy dia voalefona nohon'ny helotsika; tamin'ireo Dian-kapony no nahasitrana antsika." Ny fanavotana rehetra izay

mety hany ananantsika dia voalamina teo Kalvary. Nanomboka teo, dia finoana ilay izy, mba hino an'ilay asa vita. Marina ve izany? [Hoy ny fiangonana hoe, "Amena."—Mpand.] Eny àry.

²²¹ Ankehitriny, raha velona Jesosy ankehitriny, ka niresaka ny amin'Ny Teniny aho...Eo ianareo izao, miverina amin'io fahatsorana sy finoana io, mino Ny Teniny. Rehefa nihaona tamiko Izy tamin'io hariva io, dia hoy Izy hoe, "Izao no hiseho aminao fa ho fantatrao mihitsy aza ireo tsiambaratelon'ny fon'izy ireo. Tsy hino an'ilay famantarana voalohany an'ny tånana izy ireo, tsy maintsy hino an'io anankiray io izy ireo. Hitanareo? Raha tsy hino an'izany izy ireo, amin'izay fotoana izay dia ny rà no manozona ny tany."

²²² Tahaka ny nataony tamin'ny andron'i Mosesy fotsiny. Nanao hoe, "Tsy hino an'ireo famantarana roa ireo izy ireo, amin'izay fotoana izay dia araraho eo amin'ny tany ny rà," hitanareo, "araraho eo amin'ny tany ny rano, ho lasa rà izany."

²²³ Mba ahitana fotsiny ankehitriny, raha afaka mahita fotsiny aho hoe inona ny olanao, dia hahaha-po anao sy hanao anao hino izany, sa tsy izany? [Hoy ilay rahalahy hoe, "Azo antoka."—Mpand.] Fantatrao fa izany dia tsy maintsy ho ny toetran'ilay Olona izay resahako, Jesosy Kristy.

²²⁴ Ilay lehilahy, raha mijery azy fotsiny aho, dia mihemotra. Voaaloka izy. Tsy misy zavatra iray hany azon'ny fitsaboana hanampiana an'ilay lehilahy. Ao amin'ny toeram-pahafatesana iray izy. Marina izany. Efa nahazo fandidiana iray izy, ary ilay fandidiana dia fandidiana prostaty. Ary homamiadana ilay izy, ka miparitaka manerana anao rehetra ilay homamiadana. Raha marina izany, dia atsangano ny tånanao. Andriamanitra irery ihany no afaka manasitrana azy. [Hoy ilay rahalahy hoe, "Haleloia! Haleloia! Haleloia!"—Mpand.] Saingy, jereo, te-hilaza zavatra iray aminao aho, tompoko. Afaka mafina an'ilay antsin'ny dokotera io devoly io, saingy tsy afaka mafina an'Andriamanitra izy. Mino an'izany ve ianao? Mino an'izany ve ianao? ["Oh! Oh!"] Noho izany dia mivavaka aho, hoe, amin'ny Anaran'i Jesosy Kristy, enga anie hiala aminy ilay zavatra, enga anie ho velona ilay lehilahy. Tsy misy na inona na inona; miha-malemy fotsiny izy. Eny àry.

²²⁵ Izaho sy ianao dia samy vahiny, lehilahy iray sy vehivavy iray no mihaona. Ankehitriny, amin'ny maha-lehilahy iray, dia tsy mahafantatra anao aho. Ary angamba, amin'ny maha-vehivavy, dia tsy mahafantatra ahy ianao; tsy misy afa-tsy hoe nahita ny anarako fotsiny ianao, na ny sary, na zavatra tahaka an'izany. Fa tsy mifankahafantatra isika. Izany no toetraentsika. Tsy mifankahafantatra toetra isika. Fa ny toetran'i Kristy, Izy no Teny, ary ny Teny dia nampanantenaina ho an'ity andro ity. Efa nandre ahy niteny ny amin'izany ianao. Noho izany dia ireo Toetrany no hanondro Azy eto. Tsy izaho no manondro Azy. Tsy

mahafantatra anao aho. Mahazo ianao. Ny—mahazo an'izany ve ny fiangonantsika? [Hoy ny fiangonana hoe, "Amena."—Mpand.] Hitanao? Izaho dia—lehilahy iray aho. Anadahinao fotsiny aho.

²²⁶ Tahaka an'ilay vehivavy teo amin'ny fantsakana, milaza zavatra izay tsy mety, zavatra izay tsy mety aminao, na izay tianao, na izay maha-eto anao. Aoka Andriamanitra no ho mpitsara an'izany. Mijaly amin'ny aretin'ny tsy fahampian-drà ianao. Marina izany, sa tsy izany? [Hoy ilay anabavy hoe, "Eny."—Mpand.]

²²⁷ Izaho—mifandona amin'izany tsy ankitsahatra aho, olona iray izay mihevitra fa maminavina an'ilay izy aho. Tsy maminavina an'izany aho. Tsia. Matetitetika mihitsy, dia tsapako izany, olona iray. Tsy afaka manafina ny eritreritrareo ianareo ankehitriny. Ankehitriny eo dia misy eo amin'ny, fantatro, tena mpisalasala mafy anankiroa mipetraka eto. Hitanareo? Noho izany dia tsarovy ankehitriny fa izaho dia afaka miantso ny anaranareo, ihany koa, Andriamanitra dia afaka, noho izany ajanony ny fieritreretana an'izany. Mamelà ahy haneho aminareo.

²²⁸ Mijere aty, ramatoa. Mijere ahy. Tsy fantattro izay Noteneniny taminao, saingy izaho—fantattro hoe inona Izy. Ary izany no Toetrany voatondro. Eny, aretin'ny tsy fahampian-drà ilay izy, ilay rà, rano.

²²⁹ Ankehitriny, eto, misy zavatra iray eto. Jereo raha mihevitra izy ireo fa faminavinana izao. Manana zanaka iray izay ivavahana ianao, izay eto. [Hoy ilay anabavy hoe, "Eny."—Mpand.] Marina izany. Izy dia manana ao amin'ny tendany, ["Hia."], amboakelitenda, kambotenda. Vonona ho an'ny fandidiana iray izy. Tsy marina ve izany? ["Eny."] Raiso io mosara io dia apetraho eo aminy, ka minoa. ["Eny."] Aza misalasala. Tsy mila fandidiana izy. Minoa amin'ny fonao rehetra ankehitriny.

²³⁰ Manao ahoana ianao? Ilay zavatra dia, ho an'ity vehivavy eto ity, hoe matahotra zavatra anankiray ianao. Matahotra ianao fa io tasy menamena iray io dia nivadika ho homamiadana. [Ah-hah, ah—hah.] Mandehana ankehitriny, mino, dia tsy ho tahaka an'izany io. Mandehana fotsiny, mino amin'ny fonao rehetra. Ireo toetra, tsy ny ahy; ny Azy!

²³¹ Mino ve ianareo ankehitriny? [Hoy ny fiangonana hoe, "Amena."—Mpand.] Tokony hanao ny olona rehetra hino izany. ["Amena!"]

²³² Ankehitriny, tsy mahafantatra anao aho. Vahiny aminao aho. Andriamanitra no mahafantatra anao. Mino an'izany ve ianao? Fantatrao fa tsy mahafantatra anao aho, ary fantatrao fa tsy mahafantatra ahy ianao, noho izany mino ve ianao fa io Fanahy izay miteny io dia tsy mety ho ny fanahiko? Satria, izaho, amin'ny maha-lehilahy iray, dia tsy mahafantatra anao

aho. Fa ny toetran'ny Teny nampanantenaina dia hoe ny Teny dia maranitra nohon'ny sabatra roa lela, ary mamantatra ny eritreritra sy ny fisainan'ny fo.

²³³ Tena marary ianao. Tratry ny aretim-behivavy ianao, dia ny tranon-jaza, ary tratry ny homamiadana io tranon-jaza io. Ary nandeha ianao ka nanaraka karazana fitsabooana iray, fitsabooana radiotherapie izany, fa ny zavatra tokana izay nataon'izany dia ny nanoparitaka an'ilay izy namerana anao. Ary ianao dia—ho faty ianao raha tsy Andriamanitra no manasitrana anao. Marina izany. Mino ve ianao ankehitriny fa hanasitrana anao Izzy? [Hoy ilay anabavy hoe, “Eny.”—Mpand.] Enga anie ilay Andriamaniry ny Lanitra hiteny mafy an’io devoly izay mafina an'ilay dokotera io. [“Oh!”] Afaka mafina ny radiotherapie izy, fa tsy amin’ny Fanahy Masina. Mandehana, minoa Azy, ankehitriny, ranabavy. Aza misalasala mihitsy, fa minoa.

²³⁴ Mino ve ianao fa afaka manasitrana an’io aretin’ny sohiaka io Andriamanitra, ka hanao anao ho salama? [Hoy ilay rahalahy hoe, “Eny.”—Mpand.] Mino an’izany ve ianao? Noho izany dia zory ny làlanao, mifalia, manao hoe, “Misaotra Anao, Tompo. Mino aho fa vita ny amin’ny sohiakako.”

²³⁵ Manao ahoana ianao? Mikorontan-tsaina ianao. Efa nigorontan-tsaina nandritry ny fotoana ela ianao. Tao amin’izany, dia izany no niteraka an’io fery mandoaka io ho tonga ao anatin’ny vavoninao, izay manao anao—ny aretim-bavoninao. Ary ianao dia te... Te-hihinana ny sakafo harivanao ve ianao? Hanao izay teneniko aminao mba hatao ve ianao? Mandehana, mihinàna, amin’ny Anaran’ny Tompo Jesosy.

²³⁶ Mino amin’ny fonao rehetra ve ianao? [Hoy ilay anabavy hoe, “Mino aho.”—Mpand.] Ramatoa tanora iray mahery tsara ianao, toa tahaka an’izany. Mino ahy ho Mpanompony ve ianao? [“Amena.”] Mino ve ianao fa ny Toetrany dia afaka ny ho eto, mba...ny Teny, Izzy tenany, ary ilay teny fikasan’ity andro ity hoe, “Ireo asa izay Ataoko no hataonareo koa”? [“Amena.”] Tsy afaka manasitrana aho. Izy no efa nanao an’izany; saingy ny Toetrany no maneho Azy, afaka miteny an’izay tsy mety aminao. Tratry ny aretin’ny ramatoa iray ianao, aretim-behivavy. [“Eny, tompoko.”] Mino ve ianao fa manasitrana an’izany Andriamanitra ankehitriny? [“Eny. Amen.”] Zory ny làlanao, tsy hanelingelina anao intsony izany. Minoa amin’ny fonao rehetra.

²³⁷ Mino ahy ho Mpanompony ve ianao? [Hoy ilay anabavy hoe, “Eny, tompoko.”—Mpand.] Raha hiteny amiko Andriamanitra hoe inona ny aretinao, dia hino ve ianao fa ny toetran’i Jesosy Kristy izany? Ilay izy dia ao amin’ny lamosinao. Tsy misy intsony ilay izy. Mandehana, minoa amin’ny fonao rehetra. Minoa.

²³⁸ Avia, ramatoa. Tratry ny aretim-bavony koa ianao. Minoa amin’ny fonao rehetra, dia mandehana mihinana ny sakafo

harivanao. Adinoy ny momba an'ilay izy. Jesosy Kristy no manao anao ho salama.

²³⁹ Avia. Ny aretinao dia ny rànao. Diabetika ianao. Mino ve ianao fa hanao anao ho salama Andriamanitra ka hanasitrana anao amin'izany? Zory ny lâlanao, ka manaova hoe, "Misaotra Anao, Tompo Jesosy," manao anao ho salama. Mandehana, minoa amin'ny fonao rehetra.

²⁴⁰ Avia. Ny lamosinao, mino ve ianao fa hanasitrana an'ilay lamosinao Andriamanitra ka hanao anao ho salama? Zory ny lâlanao, ary mifalia, ka manaova hoe, "Misaotra Anao, Tompo Jesosy."

²⁴¹ Manana zavatra tsy mety koa ianao ao amin'ny lamosinao. Manohiza mandeha fotsiny, manao hoe, "Misaotra Anao, Tompo. Sitrana aho." Minoa amin'ny fonao rehetra.

²⁴² Tratry ny aretin-damosina koa ianao. Inona no fantatrao mikasika an'izany? Minoa amin'ny fonao rehetra ankehitriny, ary zory ny lâlanao ka aoka ho salama. Minoa fa Jesosy Kristy no manao anao ho salama. "Raha mety mino ianao, dia azo atao ny zavatra rehetra." Eny àry.

²⁴³ Ahoana moa raha tsy nilaza na inona na inona taminareo aho; nandalo fotsiny ary nametra-tànana teo aminy, dia mino ve ianareo fa ho salama izy? Mahita an'izay tsy mety izy ireo. Mino ve ianareo fa ho salama izy? Avia eto. Mandroaka an'io devoly io aho, amin'ny Anaran'i Jesosy Kristy. Enga anie ny herin'Andriamanitra hanasitrana an'ilay ankizy. Amena. Aza misalasala, aza misalasala mihitsy, dia ho salama izy. Minoa amin'ny fonao rehetra.

²⁴⁴ Raha tsy manasitrana anao Andriamanitra, dia hitondra tehina iray ianao indray andro any, miaraka amin'ny aretin-kozatra. Saingy mino ve ianao fa manasitrana ny aretin-kozatrao Andriamanitra? Noho izany dia mandehana, manao hoe, "Misaotra Anao, Tompo. Hino Anao aho, ary Ianao hanao ahy ho salama." Eny àry.

²⁴⁵ Avia ankehitriny. Ny taonanao marina tokoa ilay izy. Tena mikorontan-tsaina ianao. Tena mikorontan-tsaina, amin'ny faramparan'ny hariva. Rehefa miasa ianao sy ny sisa, dia tena mikorontan-tsaina. Mino ve ianao ankehitriny? Tsy hanelingelina anao intsony ilay izy raha izany. Zory ny lâlanao, manao hoe, "Misaotra Anao, Tompo Jesosy."

²⁴⁶ Avia, tompoko. Mino ve ianao fa manasitrana ny aretim-ponao Andriamanitra? [Hoy ilay rahalahy hoe, "Eny."—Mpand.] Hanao ny fonao ho salama? Manohiza mandeha fotsiny, manao hoe, "Misaotra Anao, Tompo. Mino amin'ny foko rehetra aho."

²⁴⁷ Manasitrana TB Andriamanitra, ary manao ho salama, ihany koa. Mino an'izany ve ianao, tompoko, amin'ny fonao rehetra? [Hoy ilay rahalahy hoe, "Mino an'izany aho."—Mpand.] Eny àry.

Zory ny lèlanao ary mifalia, manao hoe, "Misaotra Anao, Tompo Jesosy."

²⁴⁸ Ahoana ny aminareo eo io, mino ve ianareo? Ahoana ny amin'ny mpanatrika? Ny sasany aminareo ao amin'ny mpanatrika dia mino ankehitriny.

²⁴⁹ Ity lehilahy mipetraka eto ity, miaraka amin'ny avokavoka marary, mino ve ianao fa hanasitrana ny aretin'ny avokavoka Andriamanitra? Eny àry, afaka mahazo an'izay nangatahanao ianao, raha izany. Amena.

²⁵⁰ Tosi-drà avo, mipetraka io aoriany io mihitsy. Mino ve ianao fa hanasitrana ny rànao avo Andriamanitra? Niala taminao ilay izy, tompoko. Tsy mahafantatra azy aho, tsy mbola nahita azy mihitsy teo amin'ny fiainako.

²⁵¹ Hono ho'aho, tompoko, mino ve ianao fa ireo fivonkonana ao amin'ny hozatrazo ireo, fivonkonan'ny hozatry ny ati-doha, mino ve ianao fa hanao an'izany ho salama Andriamanitra? Mino ve ianao? Atsangano ny tènanao raha mino ianao. Eny àry.

²⁵² Ny vadinao mipetraka eo, sorena amin'ny aretin'ny taolan'orona izy. Mino ve ianao fa izany dia miala aminao, ihany koa, ranabavy?

²⁵³ Ilay ramatoa mipetraka aoriany io, dia tratry ny ferin'ny hozatra. Mino ve ianao fa hanasitrana ny ferin'ny hozatrazo Andriamanitra, ramatoa?

²⁵⁴ Indro misy ramatoa iray miaraka amin'ny palitao kely, manao palitao mena, eto. Mipetraka eo izy. Izy dia tratry ny aretin'ny taolan'orona, ihany koa. Mino ve ianao fa hanasitrana ny aretin'ny ferin'ny taolan'orona Andriamanitra? Atsangano ny tènanao, raha mino an'izany ianao.

²⁵⁵ Ny olona rehetra ato izay mino fa eo anivontsika ireo toetran'i Jesosy Kristy, izao hariva izao, dia atsangano ny tènanareo, manao hoe, "Mino an'izany aho." [Mifaly ny fiangonana ka manao hoe, "Mino an'izany aho!"—Mpand.]

²⁵⁶ Ny rehetra izay ato, izay hanaiky Azy ho mpanasitrana anareo, mitsangàna amin'ny tongotrareo, ary manao hoe, "Mino an'izany aho." Mitsangàna. Mijoroa, mialà amin'ny sezanareo, na inona izany na inona. Jesosy Kristy no tsy miova omaly, anio, ary mandrakizay. Atolotro anareo Izy, amin'ny Anaran'ny Tompo Andriamanitra.



*ANDRIAMANITRA MANONDRO NY TENANY
AMIN'NY ALÀLAN'IREE TOETRANY MAG64-0320*
(God Identifying Himself By His Characteristics)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Zoma hariva, 20 Marsa 1964, tao amin'ny Denham Springs High School ao Denham Springs, Louisiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org